



# सानसेयारि बड'सा

सानसेयारि 'बड'सा' खरीरालाइयाव  
समाज्यादि जिउजो लोखा थानाय रायथाय, खन्थाय,  
सल', सल'बाथा आरु हावबायादि थावनि, पार्क  
बाइदिनि स्यायाव लिउनाय लिउबाइ दिथाय डर!  
सानसेयारि 'बड'सा' खरीरालाइया सेबरखाने  
फोसावगोन।  
बड'सायाव लिउरुनायनि डुबा खालाम,  
'बड'सा' खरी नोथां, जो बयबो आंगो खालाम।  
सानसेयारि बड'सा मावखुनि  
माइबं नोगोर, जोहोलाव दैमालु लामा  
कक्राझार, बिदिसि-783370  
Website: www.bodosanewspaper.com

★ BODOSA ★ A Bodo News Daily ★ Sunday ★ 12 May, 2024 Kokrajhar, BTC, Assam ★ Vol.- 34, Issue No. 46 ★ R.N.I. Regd.No. 40994/91, Assam Govt. Regd.No. IPRD. 40/2006/3, ★ Rs.8/-

लाहिनआव पद्मश्री  
बान्था मोनगिरि  
सर्वेश्वर बसुमतारिनो  
मान बारदो

## गाहाइ मन्थिआ उरिष्यायाव लकसभा बिसायख 'थि फोसावदिनायाव मुखुब कंग्रेसआ बे खेबआव मोन 50 बो मासि मोन्नाय नडा: गाहाइ मन्थि मदि



डिफु, 11 मे: कार्बि आंल  
जिल्लानि लाहिनआव शनिबार  
सानसुनि 11:00 रिगायाव भारत  
सरकारनिफ्राय पद्मश्री बान्था मोनो  
हानाय सर्वेश्वर बसुमतारिखो  
राइज्योनि गुबुन गुबुन आफाद  
(□ 5 बिलाइआव)

गोदान दिल्ली, 11 मे: फेगो  
लकसभा बिसायख 'थियाव बिजेपि  
एवा नरेन्द्र मदिनि स्ल'गान 'अब  
की बार 400 पार'। गाहाइ मन्थि  
मदिआ दाबि खालामनाय  
बायदिब्ला, बे बिसायख 'थियाव  
एनडिएआ 400 निफ्रायबो बांसि  
मासिआव देहासार जागोन। मदिनि  
बेबायदि दाबि खालामनायनि  
उल्थायै कंग्रेसआ दाबि  
(□ 5 बिलाइआव)



## 4थि खोलोबनि बिसायख 'थियाव अखिलेश यादव, महुवा मैत्र, गिरिराज सिं, अर्जुन मुन्दा, चत्रुघ्न सिन्हा, अधिर रन्जन चौधुरिनि खाफालखौ सायख 'गोन

गोदान दिल्ली, 11 मे: 1थि,  
2थि आरु 3थि खोलोबनि  
बिसायख 'थियाव जोबखानायनि  
उनाव फेगो 13 मेआव 4थि  
खोलोबनि बिसायख 'थियाव खुंफुं  
जानो थांगासिनो दडा। 11 मेआव  
बेलासिनि 5:00 रिगा बाजिनाय  
लोगो-लोगोनो लकसभा  
बिसायख 'थिनि 4थि खोलोबनि  
बिसायख 'थि फोसावदिनाय  
हाबाफारिया जोबनानै थांगोन।  
4थि खोलोबनि बिसायख 'थियाव  
हादतनि मोन 10 राइज्योनि गासै  
मोन 96 बियाबफोराव भट  
आजावनाय हाबाफारिया मावकुं



जागोन। अन्ध्र प्रदेशनि मोन 25  
मासियाव बिसायख 'थियाव खुंफुं  
जागोन। तेलेंगानायाव मोन 17,  
उत्तर प्रदेशआव मोन 13,  
महाराष्ट्रआव मोन 11, सोनाब  
बंगआव मोन 8, मध्य प्रदेशआव  
मोन 8, बिहारआव मोन 5,  
(□ 5 बिलाइआव)

## आसाम सरकारआ पद्मश्री बिरुबाला राभाखौ फाहामनो बिबान लाबाय



गुवाहाटी, 11 मे: थानाय माखासे साननिफ्रायनो पद्मश्री बिरुबाला राभानि  
सावस्त्रिया गोबो जेनाजो मोगा-मोगि जानादो होना मिबथिनो मोन्नाय  
जादो। खौर मोन्नाय बायदिब्ला, पद्मश्री राभाआ 22 एप्रिलनिफ्रायनो  
फाहामथाय लानांगानिसिनो दडा। राभाखौ (□ 5 बिलाइआव)

## बिसि-फिसाइआ 4 बोसोरनि फिसाजोखौ गारनानै आल्फाआव हाबहैनो खारलादो

गुवाहाटी, 11 मे: बे खेबआव  
तिनिचुकियानि जरासे बिसि-  
फिसाइआ आल्फाआव  
हाबहैनयनि सोमोन्दे खौर मोन्नाय  
जादो। काकपतारनि 1नं. सेलेंगुरिनि  
थागिबि सनमिल नेउगनि सासेल'  
फिसाजला असुत्यानन्द नेउग आरु  
ममता नेउगआ आल्फाआव  
हाबहैदो होना मिबथिनो मोन्नाय  
जादो। खौर मोन्नाय बायदिब्ला,  
4 बोसोरनि सासेल' फिसाजोखौ  
गारनानै सानैबो बिसि-फिसाइआ  
आल्फायाव हाबहैदो। बिफाया  
फोरमायनाय बायदिब्ला, थानाय 5  
मेआव असुत्यानन्दआ न'आव  
थानानै बिमाखौ ओखाम खुरनो  
थिनहैदो मोन। बै समावबो  
(□ 5 बिलाइआव)

## नरेन्द्र मदिआ नडा, अमित शाहआसो गाहाइ मन्थि जागोन: केजरिवाल

गोदान दिल्ली, 11 मे: 3थि  
खेबनि थाखाय नरेन्द्र मदिखौ गाहाइ  
मन्थिनि मासियाव फज नो थाखाय  
बिजेपिनि दैदेनगिरिफोरा  
भटारफोरनिफ्राय भट बिगासिनो  
दंब्लाबो नरेन्द्र मदिनि 3थि खेबनि  
गाहाइ मन्थि जानायनि सिमांआ  
मोग्थां महर मोन्नाय नडा।



बिजेपिआ सरकार दाफुनो नांगो  
जानाय मासिफोरखो मोन्नो  
हायोब्लाबो नरेन्द्र मदिआ गाहाइ  
मन्थि जानो हानाय नडा। बेनि  
सोलायै 3थि खेबनि थाखाय  
बिजेपिआ गोहोआव फेयोब्ला  
आथिखालनि नख र'मन्थि अमित  
(□ 5 बिलाइआव)

## हरिसिंगायाव बारग' फरायसाफोरनि लोगो हमनाय हाबाफारिखौ मेहेरगोनाडै खुंदो हरिसिंगा गोजौसिन फरायसालिनि सासे फरायसा जानो खाबु मोन्नाया आनि थाखाय खाफाल गोनां: गबिन्द बसुमतारि

बड'सा थान्दै/उदालगुरि, 11  
मे: भारत हादतआ उदांसि जायैनि  
गोबां बोसोर सिगाडवबो  
थामहिनबा 1931 इ माइथायाव  
हरिसिंगा ओन्सोलनि साखाथि-  
फाखाथि थानाय गामि  
ओन्सोलफोरनिफ्राय साफोमबो  
फरायसाफोरनो गोग्गो गुन गोनां



सोलोथाइ होनायनि थांखिजो  
गाइसनजानाय जाइमिनारि  
फरायसालि महेर सिनायथि मोन्नो  
हानाय हरिसिंगा गोजौसिन  
फरायसालिया दिनेनि बुब्लियाव  
फैयै-फैयै 93 बोसोराव आगान  
होबाय। जाय फरायसालियाव  
(□ 5 बिलाइआव)

## बिसमुरि दख'रा एबसुआ बर' बिजोआव फरायनानै मेट्रिक आन्जादयाव सेथि मासियाव उथिसार जानो हानाय फरायसाफोरखौ बरायदो

कक्राझार, 11 मे: कक्राझार जिल्लानि सिडव  
थानाय बिसमुरि दख'रा दुलाराय बर' फरायसा  
आफादआ गुबुन बोसोरफोराव खुंबोनाय  
बायदिथेनो देरलाइबो बर' बिजोआव फरायनानै  
बिसमुरि दख'रा दुलाराय बर' फरायसा  
आफादनि सिडव सेथि मासियाव उथिसार जानो  
हानाय सा 54 (□ 5 बिलाइआव)



## बाक्सा जिल्ला बिजिरसालिया हादोरारि सुबुं आदालत खुंदो




मुसलपुर, 11 मे: बाक्सा जिल्ला न्यायारि बिजिरसालियाव जिल्ला  
आयेनारि सिबिथाय बिबानगिरिनि मददजो हादोरारि सुबुं बिजिरसालि  
खुंफुनायनि सान थि खालामनाय जादोमोन। बे हादोरारि सुबुं  
बिजिरसालियाव बाक्सा आरु (□ 5 बिलाइआव)

## एसएसबिनि बान्जायनायाव थै दान होनाय बाद खुंदो



गसाइगाव, 11 मे: गसाइगाव महकुमानि मातियाजुरियाव थानाय  
एसएसबि बान्जायनायाव दिने थै दान होनाय बाद खुनाय जादो।  
मातियाजुरियाव थानाय एसएसबिनि गाहाइ मावखुलिनि फाहामथाय  
बादायाव कक्राझार आरएनबि (□ 5 बिलाइआव)



### NEF Law College


Ananda Nagar, Christianbasti, Guwahati-5, Assam  
e-mail : nefghy@gmail.com

Affiliated to Gauhati University, Approved by Bar Council of India (BCI)  
Recognised by UGC u/s 2(f) of UGC Act, 1956

**ADMISSION NOTICE : 2024-25**

COURSES OFFERED	OUR RANKINGS
<b>Five Year Integrated Courses :</b> <ul style="list-style-type: none"> <li>● <b>B.A. LL.B. (Hons)</b></li> <li>● <b>B.Com. LL.B. (Hons)</b></li> <li>● <b>B.B.A. LL.B. (Hons)</b></li> </ul> <p>Eligibility : H.S. (10+2) with minimum 45% marks (42% for OBC, 40% for SC / ST) Admission into Integrated courses shall be made on the basis of NEF Law Entrance Test (NLET)</p> <p><b>Three Year Course :</b></p> <ul style="list-style-type: none"> <li>● <b>LL.B. / LL.B. (Hons)</b></li> </ul> <p>Eligibility : Any graduate with minimum 45% marks (42% for OBC &amp; 40% for SC / ST) Admission on the basis of merit.</p> <p>Application Forms are issued online /offline Last date of Application : 31.05.2024 Date of Entrance Test (NLET) : 01.06.2024</p> <p><b>Helpline : +91 940 111 8888 +91 936 557 6800</b></p>	<ul style="list-style-type: none"> <li>● Ranked 57th Top Law Colleges in India 2023 by 'India Today' (July, 2023).</li> <li>● Ranked 25th among all Law Schools &amp; Law Colleges in India by GHRDC Law School Survey 2023.</li> <li>● Awarded Best Law College of North East : 2022 by NEWS18.</li> <li>● Ranked 8th Top Law School of Excellence by 'Competition Success Review -GHRDC Law School Survey' (June, 2022).</li> <li>● Ranked 27th in Top 30 Private Law Colleges in India by 'Outlook-ICARE Ranking, 2022' (July 11, 2022)</li> <li>● Ranked Top-5 "Private Colleges with best value for money" by India Today (May, 2020)</li> </ul>

Apply online : [www.nefcollege.org](http://www.nefcollege.org)



### NERIM GROUP OF INSTITUTIONS

Affiliated to Dibrugarh University, Gauhati University & ASTU  
Approved by NCTE, BCI & AICTE, MoE, Govt. of India

**ADMISSION NOTICE**

Admission is going on for the following courses (Session 2024-25). Admission shall be governed strictly as per prescribed rules of the concerned University.

Courses in Management:		
MBA 2-year	BBA 3-year	PGDM 2-year

Courses in Computer Science:		
MCA 2-year	BCA 3-year	PGDCA 1-year

Courses in Commerce:		
M.Com 2-year	B.Com 4-year	

Courses in Law:		
BALLB(H) 5-year integrated	LLB(H) 3-year	

Courses in Social Science:		
MA(Appl. Psychology) 2-year	MSW 2-year	
BA(Psychology) 4-year	BSW 4-year	

Courses in Education:		
MA(Education) 2-year	B.Ed 2-year	

Courses for Working Personnel:		
MBA (Part Time) 3-year	PGDM 2-year	

For detailed information, please contact Admission Counsellor:  
9954190758 / 7002667575 / 9954051419 / 9864750000  
For online admission, log in to [www.nerimindia.org](http://www.nerimindia.org)

Prof. (Dr) Sangeeta Tripathi, Director, NERIM  
Jayanagar, Khanapara, Guwahati, Assam, Pin-781022  
[www.nerimindia.org](http://www.nerimindia.org) [nerimindia@gmail.com](mailto:nerimindia@gmail.com)



## सुजुगिरिनि खोलोम

### सिगांनि हारिमुगिरिफोरखौ फोथानांनै लाखिनायनि गोनांथि

मोनसे हारिनि सिनायथिखौ हारिमुआसो होनो हायो। राव-हारिमु गैयाब्ला मोनसे माहारिया थाना थानांगौआ गोब्राब। बेनिखायनो जौनि माहारिनि हारिमुखौ फोजौनाय, गोसारनाय आरो बेनि रैखाथिनि थाखाय मावनांगौ हाबाफोरखौ हारिमुखौ लोब्ला थानाय मावथिफ्रा गोसो होना मावनांगोन। लोगोसे समाजनि दैदेनगिरि आरो राइजो-राजाफोरनिबो मदत थानांगोन। जौनि माहारिनि हारिमुआ गोजो थारखोनि होना बुब्ला बाराद्राय बुनाय-जाबाय, होनथाव नडा। जौनि मावनाय-दानायनि आदब-खायदा, जानाय-लौनायनि हुदा, गाननाय जोमनाय, जेरावबो माहारिनि हारिमुआ बेरखाडे। गुबुन माहारिनि हारिमुखौ जौनि हारिमुआ फेर मारिनो हायो-हाया बेखौ बुनो थाडब्लाबो जौनि हारिमुआदि गोजो स्टेन्डार्डनि बेखौ जौ बुनो हायो।

मोनसे समाव जौनि गेजेराव माखासे हारिमु सिबिसुला, रंगौथि गोनां सुबुंफोरा रोजाबनाय-मोसानाय, दामनाय-देनाय, बाइदि बिथिडव गोसो होसारनाय हारिमु फोसाबनाय हाबायाव आखाय होदोमोन। बिथामोनखौ मॅनाय नुवामोन। हारिमुखौ बयनिबो आंगो खालामनो, बयजोबो बजबना लाजानाय खालामनो, हारिमुखौ फेहेरनाय आरो फोसावनायय समाजनि सुबुंफ्रा जाहाथे मदद होलायो, बेनि थाखाय माखासे मोदोम गुदु सुबुंफ्रा नाजादोमोन। बिथामोननि गेजेराव सोरबाया मेथाय खन्नाय, सोरबाया मोसानाय, सोरबाया दामनाय-देनाय आरो सोरबाया भावथिना दिन्थिनाय हाबायाव गोसो होदोमोन। गुबुन गुबुन आयदायाव नांथाबना देरहासाद जानोबो हादोमोन। दुखु मोनथाव बाथ्राया बेनोदि, बै समाव जायफोर हारिमुगिरि सुबुंफ्रा गाव-गावनि हारिमु आयदायाव रंगौथिखौ दिन्थिफुनो हादोमोन बिथामोनखौ समाजा मान होनो रोडमोन।

हारिमुखौ गोसार होनोब्ला बयनिबो मदतखौ गोनां जायो। हारिमुगिरि एबा हारिमु सिबिसुलाफोर नाजानायजौल' माहारिनि हारिमुखौ गोसारहोनो हाया। मात्रैबा जौनि आंगो हारिमुखौ गुबुन जायगायाव गोसारहोनो हागोन बेखौ सानै-हयै हाबाफारि लाननांगोनि गोनांथि दड।

जौनि हारिनि हारिमुखौ गोसारहोनो नाजानायखौ गोबां नुनो मोनसै अथिखालनि समाव। जायनि थाखाय जौनि बाइदिसिना हारिमु आयदाफोर जैरे-रुंसारि अस्टाद कामिनी नाजरी फोरौलानाय बागुम्बा मोसानाय, मोसाखावरि मोसानाय, मोसागलानाय, हाबा जानाय मोसानाय, थाखिपाल्ला गाननि मोसानाय, बैसागु रंजानाय मोसानाय आरो रुंसारि जोहोलाव निलेश्वर ब्रह्मआ गावनि रैसुमै गाराजौं खना गालानाय खुगा मेथायफोरखौ रैखाथि होनायै लाखिनांगौ। आथिखालनि मेथायगिरि, देंखोगिरि आरो भावगिरिफोरबो हारिनि हारिमुखौ बाइदिसिना आयदाफोरजौ गोसारहोनो, गेवलांसारहोनो आरो फेहेरनो नाजानाय नुनो मोनो। नाथाय बिब्दि होनायै जौनि आसारखान्थिजौ गोरोबैखौ जायगा होयैआनो गाहाम। रुंसारि दारे न बसुमतारिमोन दिन्थिलांनय थुनफावथाय, भावथिनाफोरखौबो रैखाथि होनायै लाखिनो आथिखालनि हारिमुगिरिफोरनो गोखौं राहा लानांगोन।

## दिनेनि फान्जामुथि

**राशि बाइदियै मुनि गिबि हांखो**  
 मेष: अ ल बृष: ऊ ब (उ ए इ) मिथुन: क छ (ड घ) कर्कट: ड ह सिंह: म ट कन्या: प ठ (ण ष) तुला: त र बृश्चिक: ब न धनु: ध भ (ढ फ) मकर: ख ज कुम्भ: ग श (स) मीन: द च (ख ज झ)

- मेष:** माबाफोर गोरोथि हाबा मावफलांनो हागौ। सानै-हयै खामानिखौ मावनांगोन।
- बृष:** दिनेनि दिनआव माबाफोर मुलाम्फा मोन्यायनि आसा दड। गोजोन मोनो हागोन।
- मिथुन:** जैरेबो गोसो बायदि रंजा-बाजा खालामनो हागोन। गोजोनै सम बारहोनो हागोन। मोजां सान।
- कर्कट:** नख'रआव जॅना थानाय जोबनाय नडा। गोसोखौ शान्ति गैयै मोनगोन।
- सिंह:** सोरिफ्रायबा माबाफोर अजद मोनो हागौ। जैरेबो सांग्रां जानांगोन।
- कन्या:** जेखि मावा फालांगिआव मुलाम्फा मोनो हागोन। मोजां सम। गोजोन मोनगोन।
- तुला:** बहाबा दावबायनो मोनो हागौ। गोसोखौ गोजोन मोनगोन।
- बृश्चिक:** सोरजौबाफोर लोगो हमनो गोनां दडबा हमहैनो हागोन। सानाय बायदि जाफुंगोन।
- धनु:** रंगौथिआव देरहासर जानो हानायनि सन्मान मोनो हागोन। अन्सायनाय मोनगोन।
- मकर:** आन्जादआव मोजाडै उथिसारनो हागोन। नख'रआव रंजानायखौ मोनो हागोन।
- कुम्भ:** बोरैबाफोर देहायाव जोखोमफोर मोनबायबायनो हागौ। सांग्रां जानांगोन।
- मीन:** मोनाबिलिनि 10:00 रिंगानि उननिफ्राय नख'रआव गोजोन्नाय गैयै सोमजिनो हागौ।

# छत्तिसगड़आव टैरवाथि हान्जानि अपारेशनआव सा 12 नक्सालि उतरवारिफोरनि जिउ रव'हा

बिजापुर, 11 मे: छत्तिसगड़नि नक्सालजौं बांसिन गोहोम गोम्लैनाय बिजापुर जिल्लायाव शुक्र बारखालि रैखाथि हान्जाफोरजौं गुलि गावज्जलायनायाव सा 12 नक्सालिफोरखौ जिउ फोजोबनो हादों। पुलिसनि मिबथिहोनाय बायदिब्ला, बमा गोनां सुंगआव बेरफुनाय जाथायाव सा 2 जवानआ जोखोम जायो। नक्सालिफोरजौं गुलि गावज्जलायनाया गंगालुर थानानि सिंआव पिडिया गामिनि हाग्राबारि सिडाव जादों। पुलिसआ कामान्दार भेल्ला, गंगालुर ओन्सोलनि कमेटीनि नेहाथारि दिनेश मडियम आरो



सा 150 आर्मफर्सआ उदरखारिफोर फैन्या थानायनि स्नोद खौरां मोन्दोमोन, बेखो बिथा खालामनानै 8 मे खालि बिजापुरनि डिआरजि, दन्तेवाडनि डिआरजि, सुकमानि जिआरजि, बस्तार फाइटार, जर'खा हाबाफारि सान्थि हान्जा (एसटिएफ) आरो सिआरपिएफनि खबर

पिडिया गामिनि हाग्राबारियाव सौहैयो अब्ला उतरखारिफोरजौं गुबुन-गुबुन जायगायाव गुलि गावज्जलायनाय जायो। गावज्जलायनाय उनाव रैखाथि हान्जाफोर बे जायगानिफ्राय सा 12 उतरखारिफोरनि गोथै सह', गं 12 बर गान, बिजिएल लाचार, देसि रायफल, बिजिएल सेल, गोबां बिबांनि बमा, उतरखारिफोरनि कसाब, मुलि आरो गुबुन मुवाफोरखौ बोखानो मोनो। बिबानगिरिफोरा एन्टि नक्साल अपारेशनआव बमा फबना दोन्याय सुरंग'आव बेरफुनाय जाथायाव सानै जवानफोरा जोखोम जायो, जायखौ फाहामसालियाव लाना फाहामथाइ हैनाय जायो। राइज्योनि गिबि मन्थि बिष्णु देब साय बिथोआ बेखौ जाफुंसारनाय होना बुंथियो आरो रैखाथि हान्जानो हामब्लाइथि होयो आरो बुडोदि, जेब्लानिफ्राय बिजेरिया सरकाराव फैंदों, नक्सालबादजौं गोखोडैजुजिनाया सोलिदों। गाहाइ मन्थि मदि आरो मिरु नख'र मन्थि अमित शाहआवो छत्तिसगड़निफ्राय न क स ि ल फ र ख ौ फोजोबसांनयखौ हास्थायो। डाबल इन्जिन सरकाराव बेनि मुलाम्फाखौबो सुबुंफोरा मोननांगिसिनो।

## जेलनिफ्राय बाइजोआव फैनायनि उनाव अरबिन्द केजरिवालआ गोखौं बिबुंथि होदों

गोदान दिल्ली, 11 मे: सिएम के जरिवालआ जेलनिफ्राय फैनायनि उनाव बिजेपि आरो मदि सरकारनि सायाव नोजोर खोख्लैदों। बिथाडा बुंदोंदि, जौनि पार्टी आरो हादतनि सुबुंफोरनि सायाव बजरंबलिनि अन्नाय दड। जायजौं गोमोथावै आं दिनें नौथांमोननि गेजेराव दड। अदेबानि जेलनिफ्राय आं थौंजोडै नौथांमोननि गेजेराव फैंदों। जौनि आम आदमी पार्टीआ मोनसे फिसा पार्टी, जाय दरनै राइज्योफोरावल' दड। जौनि पार्टीखौ सिमफायनो नाजानायव पिएम मदिआ जेबो खाबुखौ नागाराखै, जायनि थाखाय पार्टीनि साब्रै टप दैदेनगिरिफोरखौ जेलआव दैथाइहरदों। जुदि गिदिरि गिदिरि पार्टीफोरनि दैदेनगिरिफोरखौ जेलआव दैथाइ हरदोला पार्टीया जोबो। नाथाय एएफनि सायाव बेबायदि जायाखै। बिथाडा बुंबावदों, पिएम मदिआ गेना-



खान्थिजौं जुजिगासिनो दड होना बुडो, नाथाय हादतनि बयनिखुइ देरसिन सिखाव खवग्राफोरखौ बियो गावनिनो पार्टीयाव सोफादों। बियो बेबायदि सुबुंफोरनि गासै इडि-सिबिआइनि के सखौ फोजोबदों। बेनिखायनो आं गेना-खान्थिनि हँथायै जुजिनो लुबैदोंब्ला केजरिवालजौं सोलौं होना पिएम मदिखौ बुंनो लुबैयो। के जरिवालआ बुंबावदों, पिएम मदिआ हादतखौ जामबा साननो नाड। बिथाडा केजरिवालखौ ग्रेप्टर खालामनानै मेसेज होनो लुबैदोंदि, जुदि आं केजरिवालखौ ग्रेप्टर खालामनो हायोब्ला गुबुनखौ मानो हाया। पिएम मदिआ हादतनि गासै दैदेनगिरिफोरखौ फोजोबसांनो लुबैयो। बियो 1 नेशन 1 लिडारखौ जेब्लायबो हास्थायो। बेबायदि बुंनानै मदिआ आं 140 कौंठि सुबुंफोरखौ बे हादतखौ रैखा खालाम होना खावलायो होना बुंदों।

## गिबि मन्थि अरबिन्द केजरिवालआ 10 मेयाव इन्टारिम जामिन मोनबाय

गोदान दिल्ली, 11 मे: सुप्रिम कर्टनिफ्राय इन्टारिम जामिन मोन्यायनि उनाव 1 एप्रिलनिफ्राय तिहाड जेलाव जोबथेना दोनजानाय अरबिन्द के जरिवालखौ 10 मेनि बेलासिनि 7:00 रिंगायव हगारना होयो। सुल्तुनि बाइदिल्ला, सान्जौफुयाव गिबि मन्थिजौं लोगो हमनो थाखाय बिनि बिसि सुनीता केजरिवालआ सौहैदोंमोन। सुप्रिम कर्टआ इन्टारिम जामिनखौ लानानै बिथोन फास खालामदों। जामिननि खौराड सुबुंफोरनिमिस सौहैनाय लोगो-लोगो जेलनि बाइज्योआव जमा रानो हमो। गासै 7:00 रिंगायव जेब्ला गिबि मन्थिआ जेलनिफ्राय बम्बर 3 आव सौहैयो, अब्ला रोजा-रोजा अनजिमानि बिसोरनि मदतगिरिफोरा बिथोखौ बयनो थाखाय बेवहाय सौहैदोंमोन। जेलनि तालाय बायबाय,



केजरिवालआ गबाय' होना स्ल'गान होनायै आरो गोबां फटखा गवानायनि गेजेरजौं गिबि मन्थिआ बेयाव बयखौबो सोमोन्दो लाखिनानै बुडोदि, हादतखौ तानाशाहीनिफ्राय रैखा खालामनांगो। बेयाव केजरिवालआ शनिबार फुनि 11:00 रिंगायव जौं कनाट प्पेसयाव थानाय हनुमान मन्दिवाव थंगोन होना बुडो। फु डाव मन्दिवाव थानानै बिथाडा भगवान हनुमानजौं लोगो हमहैनानै आशींवाव लागोन होना बुंदों। बिथाडा मन्दिवाव लोगोसेयै हनुमानखौ दर्शन खालामगोन होना बयखौबो खावलायदों। बेनि उनाव सान्जौफुनि 1:00 रिंगायव पार्टीनि मावख'आव प्रेस कन्फ्रेंस जागोन। बेनि उनाव के जरिवालआ शनिबारखालि खोला दिल्लीयाव रडजौं बिसायख'थि फोसावदिंखो जागायगोन। बेजौं लोगोसे पान्जाबनि गिबि मन्थि भगवन्त मानआबो रड श्व'याव बाहागो लागोन।

## पाकिस्ताननि सिमनायाव नोजोर होनायखौ बांहोनो थाखाय सान्थिफोरा हष्टि-10 इन मोनसिगोन

गोदान दिल्ली, 11 मे: भारतआरि सान्थिफोरा पाकिस्तान सिमनायाव गावसोरनि नोजोर होनो हानाय गोहोफोरखौ बांहोनो थाखाय 18 जुनायाव गिबि हर्मिस-900 स्टारलाइनर इनखौ मोनसिगोन। सान्थिफोरा बेनि थाखाय थियारि खालामबाय। हष्टि-10 इन मुंजो सिनायथिजानाय हर्मिस-900 खौ अदाणी डिफेन्स सिस्टेम्सनि फार्सेनिफ्राय भारतआरि सान्थि, नेभिफोरजौं लोगोसे हादतनि गुबुन सान्थि हान्जाफोरनो साप्लाइ खालामगोसिनो दड। रैखाथि बिफाननि बिबानगिरिफोरा बुंनाय बाइदिल्ला, भारतआरि सान्थिफोरा मोन्यै-मोन्यै इनफोरनि गेजेराव गिबि इनखौ 18 जुनाव हाइद्रावादयाव थानाय



सान्थिफोरनो गथाइनाय जागोन। बेनि साप्लाइखौ रैखाथि बिफाननि गेजेरजौं सान्थिफोरनो होनाय इमार्जेन्सि गोहोफोरनि रदाय महैरै खालामनाय जादों। भारतआरि सान्थिफोरा गावसोरनि बठिन्डा बेसयाव इन थिसनगोन। बेयावनिफ्राय सान्थिफोरा पाकिस्तानजौं लोगोसे गासै सोनाबारि सिमनायाव नोजोर लाखिगोन। गिबि हर्मिस-900 खौ बे बोसोरनि जानुवारी दानाव भारतआरि सान्थिफोरनो गथायदोंमोन। नैथि इनखौ सान्थिफोरनो होगासिनो दड। बेनि उनाव आथिखालाव थामथि इनखौ नेभिफोरनो आरो

हादतयावनो जानांगोन आरो बेयो 'मेड इन इन्डिया' नि गेजेरजौं जानांगोन। भारतआरि सान्थिफोरा सिगांनिफ्रायनो हेरन मार्क-1 आरो मार्क-2 इनखौ अपारट खालामगोसिनो दड। सान्थिफोरनि थाखाय सरकारनि गेजेरजौं एपुव्ड इमार्जेन्सि बायनायनि जोबथा किश्रत महैरै हष्टि-10 (हर्मिस-900) इननि थाखाय अर्डर होनाय जादों। अदाणी डिफेन्सआ इननि थाखाय इन्ड्राइलनि फर्म एल्बिजटजौं लोगोसे मोनसे रदायनि सायाव मुंसाइदोंमोन। कम्पनीआ बेनि 70 जौखोन्दोखौ हादतयावनो

**आलिपुद्वार जंशन एल एलएडएस/ आरुडबिनि राहा खालामनाय**  
 इ-टेन्डर फोसावथाय नं: 05/ख्रिउ-2/एथिडिने, अक्ट: 09-05-2024। गाहाय फोसावथाय खामानिनि थाखाय मुंसायगिरिआ इ-टेन्डर हंखायवलेटी देन्डर नं: 27-एथि-1-2024। खामानिनि मुं: एथिडिने/इएए/आलिपुद्वार जंशन बेंचनि सिडव थानय मन्सगान हाट-पीतलनि गेजेराव 198/7-8 फिल पिदवअव मानसि गोनां एल-जिं नं एएए/126 (आप आओ खान)नि एएएएएस/आरुडबिनि राहा खालामनाय। टेन्डरनि बेसेन: 5,17,65,496.62 रं। अंशिम रं: 4,08,800/- रं। टेन्डर बन्द जानयनि अक्ट' असे सभ: 29-05-2024 अक्ट'नि 13:00 रिंगायव आरो बेखेनवागोन 29-05-2024 अक्ट'नि 15:00 रिंगायव। जोकीयव फोसावथाय इ-टेन्डर निटार लाइजो आरुडबिनि थाखाय वेबसाइट www.ireps.gov.in आव मोनो हागोन।  
 डिआरए (ईन्टर), आलिपुद्वार जंशन सा-साब्जा सिमना रेलवे मिनिस्त्रिये आरुडबिनिमिस सिबिथाय

## लक्ष्मीकान्ठ रावखौ आरबिआइनि गोदान बिबानगिरि थिसनबाय



मुम्बाइ, 11 मे: रिजाब बैंक (आरबिआइ) या आर लक्ष्मीकान्ठ रावखौ इमार्जेन्सिये इडि बिबानआव थिसनो। रावखौ इडि महैरै बिबानआव थिसन्यायनि सिगां राव डिपार्टमेन्ट अफ रेगुलेशनआव चीफ जेनेरेल मेनेजर-इन-चार्ज महैरै हाबा मावदोंमोन। बिथांहा रिजाब बैंकआव 3 बोसोरसिम हाबा मावनायनि रंग'थि दड।

फारसेथि बिथाड बैंक आरो एनबिएफसि रेगुलेशन, सुपारिभजन अफ बैंकस आरो कन्नुमार प्रटेक्शन बायदि फोथारफोराव हाबा मावदों। रावआ आरबिआइ चेन्नाइयाव बैंकि लकपाल आरो लक्ष्मीआव उत्तर प्रदेशनि ओन्सोलयारि बिथोनगिरि महैरैबो खामानि मावदोंमोन। बिथाड माखासे कमेटी आरो वार्कि ग्रुपनि मेम्बर महैरैबो खामानि मावखांबाय। राव बिथाड निति दानायआवबो बिहोमा होफायो। बिथाड एगिजिकुटिव डायरेक्टर डिपुटि इन्चुर्सेन्स एन्ड क्रेडिट गेरेन्टि कपरेशन, राइट टु इन्फर्मेशन एक्ट (एफएए), डिपार्टमेन्ट अफ कमिउनिकेशननि बिबानखौ नायगोन। बिथाड कमास'आव ग्रेजुएट खालामनायनि अनगायै श्री भेकटेश्वर इडनिभासिडि, तिरुपतिनिफ्राय बिजनेज एडमिनिस्ट्रेशन (फाइनेन्स) आव मास्तार डिग्रि आरो टिआइआरएमआव डिब्लमा खालामनाय।

**ACHIEVEMENT**  
  
 Miss Rwdwmshree Brahma has awarded the degree of Doctor of Philosophy (Ph.D.) by Gauhati University for her thesis entitled- "A Comparative Study on Religious Festivals of Bodo and Tipra Community" in Bodo Department under the supervision of Prof. Bhupen Narzaree, Department of Bodo, Gauhati University. She is the youngest daughter of Lt. Puspanath Brahma and Smt. Hiranmai Brahma of Vill. & P.O. Rangalikhata(Debargaon), Dist.-Kokrajhar, BTR, Assam.







## चीननि दा ग्रेट वालआ बबे जायगायाव जोबथाहैनाय नौथाडा मिबथिगौ ना?

मुलुगनि बयनिखुइबो लावसिन इन्जुर एबा वालनि बाथा बुडोब्ला गिबियाववो चीननि दा ग्रेट वालनि मुड फेयो। बुनाय जायोदि, गिबियै बेखौ 2,700 बोसोर सिगां थामहिनबा 290 खूष्ट गिबियाव सुनकिउन खुंथाय खुंथाय समाव बानायहोदोमोन। नाथाय बेनिफ्राय लानानै दासिमाव बे वालखौ गोबां खेब सिमफायनाय जादो आरो बानायफिनो लादो। बे वालखौ नायनो थाखाय मुलुगनि गुबुन गुबुन जायगानिफ्राय गोबां दावबायारिफोर फेयो। चीननि बे वालआ हेबेइ प्रभिन्सनि सांहाइगुवाननिफ्राय जागायो। नाथाय बे वालआ बबेयाव जोबथा हैयो बेनि बागै गोबां सुबुंफोरानो मिबथिया। बोसोरफोमबो बुहुमनि खना-खनला जायगानिफ्राय दावबायारिफोर नायफेनाय दा ग्रेट वान अफ चाइनाया सांहाइगुवाननिफ्राय जागायो आरो किनहुवांडाअ सहरनि सांहाइ पासआव जोबथाहैयो। मुलुगनि बयनिखुइबो लाउसिन बे वालआ बहाइ गुल्फआव



जोबथाहैयो। बेनो बे वालनि जोबथा बाहागो। चीननि बे वालनि बाहागोखौ लाअलंतु एबा अल्ड ड्रेगन हेड मुडै बो मिबथिनाय जायो। अल्ड ड्रेगन हेड मुडै दोनजानायनि आन्दीआवबो मिबथिनो गोनां सल'दड। बुनाय जायोदि, जाय जायगायाव दा ग्रेट वालआ लैथोमायाव नांजाबहैयो बेखौ नुयोब्ला ड्रेगनआ गावनि खुगाखौ लैथोमायाव सोमहाबनाय बायदि नुनो मोनो। चीननि गुबुन गुबुन बाहागोसिम बे वालआ गोसारनानै दड।

दावबायारिफोर लाअलंतुआव बे वालखौ नायनो फेयोब्ला सोमोनोनांथाव गोलाव वालनि अनगायै गोबां रोखोमनि समायना सावगारि बोनायफोरखौ नुनो मोनो। सोमोनोनांथाव बाथादि, गासैबो ख'नाफोरखौ लाजोबनानै मुलुगनि लाउसिन चीननि बे वालआ 21,196 किल'मिटर गोलाव। बानायजेनाय समाव बे वालखौ बानायनायाव दंफं आरो अन्थाइखौ बानायदोमोन होन्ना मिबथिनो मोनो। उनाव बेखौ इटाजो बानायनाय जायो। फारसेथि चीननि दा ग्रेट वालखौ

लानानै गुबुन गुबुन नंखाय दाबि देखानायबो जायो। खायसेया अखाफोरनिफ्राय बेखौ नुहुरो होन्नानैबो बुडो। नाथाय बे बाथाया नंखाय। अखां सानिफ्राय बे वालखौ नुनो मोनो होन्नाय बाथाखौ नासाया दासिमबो सैथो होन्ना रोखा खालामाखै। जर'खागिरिफोरनि बुनाय बायदिब्ला 3 किल'मिटर गोजाँआव थानायनि उनाव बे वालखौ जोबोद फिसा नुहुरो। बेबायदियाव अखां सानिफ्राय लांदां मेगनजो वालखौ नुहुरनाया जाथावना नड।

## गोरबोनि रजे

ओइ! गोरबोनि अनसुलि रजे माखौ लानानै नौ एसेबां जिंगा, आंखौ लानानै मा सिमां नुदो? जिउआव आंहा मा सिमां दं सानायनि लैथोयाव एसेबां गबना थायो नौ? नौनि दावगाफु जिउखौ आस'खान्दा दाखालाम अब्ला नौखौ थैनाया लोगो लागोन। आंनि सोरगिदिं जैबो सुथुर; नौखौ आं जेबोला लोगो मोनो अब्ला गोरबोआ आंनि गाबखाडे, नौनि बे जोमै सागलोबनाय महर मोखाडव। सानो आं फंसे राव होगौबा होगौबा नाथाय, नौबो बिखा गावो, खुगाया गेवया आय' हाबाब!.....। हास्थायो आंखौ नौ, एसेबां सुथुरनि गेजेराव। आंनि गोसो मेगनजो सानबोला नौ एसेबां अनसुलि, अनथावथाव नौनि आंखौ हास्थानाया बेसे सैथो, आंबोथ' हास्थायो नौखौनो, नाथाय आंसो सुथुरनि गेजेरनिफ्राय बारग'नो हायाखै। आं मिथिगौ नौहाबो हास्थानाय, लुबैनाय दड आरो नेगासिनो दं, नौ आंखौनो जिउनि अनजालु महरै सुखु-दुखु सहायनानैब्लाबो।

दिगन्त लावारी बड'सा राबां भगपुर, बाक्सा

## (जखाइसे दोसे लिमारिक)

(क)

आदै बाइखानि फिसाजो गिदिर नौ सानसेमानि टेलिभिसन नायो नौ गोसोयानो जाबाय नौनि देन्स फरायनायाव जायाखै नौहा सनसल थाखो बा फरायोमोनथ' नौ।

(ख)

आंखौ बुडो मानसिफ्रा जामबा नाथाय आं सिप्रेटखौनो सोबा जिसे थाखोआव फरायो आंबो गैया आंनाव सासे सिख्ला लोगो अब्लाबो खालि दड'ल' आंनाव गोबां रोखोमनि बिजाव।

(ग)

सुमलि गुरिनि रुवाथि हाबा हुखायाव आखा-फाखा आंहाबो जादो बेखौनो मोजां मोनो साखा-फारा, सोरांबानो नुयो आं बिनि जारो महर, जायो गोसोया आंनि बेखौनो नाइनो हुर जानोबा आंजो जुलि, हाबा-हुखा सोलोखा।

(घ)

थिंखु बारिनि फालोसे सिख्लाफोर, गुसथियाव होयो सिन्दुरनि रं नौसोर,

## आंनि सिमा

सिमां नौ सिमां साया माया सिमां खोमसि हराव मानो फेयो नौ? सोरां फेबोला मानोथो- लाजिनानै थांफिनो नौ? आं उन्दुब्ला दसेनि समाव जाखां फेयो नौ..... होंगो-दोंगो गिलु-गिलु? नाथाय सिरि मोनब्ला आंखौसो- खालामो नौ उलु-गुजु; मिथि खानाय खायसो सानना लायो- "आंनि सिमां" बुंस हायै बाथाखौबो अनसुलिनी- नौ माब्लाबानो फोरमाय हैबाय। आरो लोगोसे नौ अनसुलिनि मिनिस्तु- महर सुथुरी खौबो लाबोना होफेबावयो; आं आरो नौ सिमांखौ मा होन्ना- फोरमाय बावोनो; नौ सिमांनिखुइ आं देर सिन जानो- हाया; नौ जेखौ फोरमायदो आं बेखौनो- गनायना लानांगो जायो; नाथाय गनायआबा जायो आंहासो- आफोद आरो खैफोद; मा इंसि गोमो थावनो- "आंनि सिमां" गुदि गैया थुंगि गैया जाहोयो- गावहा हं.....हं; नाथाय फिथाय आबा खालामो- अहं; फोरमाय जानाय मोनब्ला फोरमायगौमोन- आंलाय; लिरनां आमोन आंलाय- खन्थाइ रायथाइ- फोरमायथि बिलाइ- नांलाइ आमोन आंनोलाइ- खौरां बिलाइ; आय' नौ मा इसे गोमोथाव "आंनि सिमां"

मुस्त्रि जायखलं गौरा ब्रह्म  
ला:सो-- कारिगाव (गोदान बिसमुरी)  
जिला- कक्राझार, आसाम

फुडव दख'ना सानसुआव जिन्स, बेलासियाव सिटिकार्ट सानदो नामा नौसोर गावसोरखौनो सिमार्ट नाथाय जारोमोन सिखोला बैसोया दसेल'थार।

(ङ)

बर' सिख्ला हाबाब बेसे समायना, जुलाफि मोनजाब्ला जायो बिसोर दनदिसे स'ना जिन्स लंपेन गानबा नुजायो रानि मुखार्जि, जासै आंहाबो रायलाइनो बिसोरजो मोनैनि गोसोआ गिजि नाथाय दख'ना गानबासो आं समायनासिन नुनो मोनो।

मुस्त्रि नदिया नार्जिरि  
काशिकत्रा हाइयार सेकेण्डरी फरायसालि

## रंजालि गथ'फोरनि सौरा

### सोलिफु थालिम

सोरबा सानो मोजांखौ  
सोरबा सानो बायगरखौ  
बेयो सुबुनि जिउवाव  
सोलिफु थालिम

रैदोम बर', बाक्सा

## अनजालिया बबेनि,

बे सेंग्रा बैसोनि लामायाव दुंहावनाय दावदाव मोनसेनि लुबैनाय गोसोनि अरथायाव समजो गोरबनानै दैदेनलानो फोलेर बारय होलांनो मोनसे थिथायाव आसा फारिनाय सिनायमोनै लाइजाम नेना थादोमोन सिरि,। गोजोन्नाय लानो सान्दोमोन गावखौनो मानसि हिसाबे गावदां अखाफोर बादि नुजाना गावनि सोरांजो गुबुनखौ हेफाजाव होनो। सान्दोमोन बिबार बारिनि बिबारा गेवलांब्ला नहुलगोन, बेरे सिखिरि हांखायगोन। मिजिं लाना दिदैनै थिनानै दोननाय सनानि आस्ताम गोसोम दागोजो बुंफबहांबाय। थिना दोननाय रुपानि मेदेलआ बोरायहांबाय, नेनानै नौखौ असिनाब्लाबो अनजालि साननानै। बेखौनोथ' नेबावबाय जाखोबा नौ बबेनि थं मोनगोन साननानै।

मुस्त्रि सुर्ज कान्त ब्रह्म  
फरायसालि-6 नं दिहिरा जौगासार  
ला:सो:-दिहिरा

## दुब्रि हाग्रानि निहरजो

खुगुलुनाय मोले खुवाजो दावहा नांनानै आखायाव गांसे बही आरो गंसे कलम लानानै जिउनि जाथायखौ खन्थाय सुजुनो साननानै आगान फोलावदोमोन खानिफुर दैसानि सेर सेर जिरायथ'दोमोन आं हाबां सेराव सुजुनो खन्थाय नाथाय गोरबो होनो हायाखै मोनसेबो खबाम मोदैयासो थर बोहैलांदोमोन आंहा मानोबा दैसायाव जरासे एम्बुनि अन्लायनायखौ नुनानै दोमैलु समनि मौसुमि बार बारनायजो उरां-फारां गोसोजो गोदाव सोराव सान्नायजो आंनि दिदोमथि सहायसुला गोसोया गोजाव लांफादोमोन लोगोसे डिडानि सा-सा दुब्रि हाग्रानि गुसु निहरजो आं फेफिनो हायाखिसै बैनिफ्राय बेसिम आथिडव गैया सिन्देल जुता खानानै लाखिबाय आंखौ सिप्रिनि दिरं जानानै दुब्रि हाग्रानि गुसु निहरि।

मोगथां बसुमतारि  
सा- देउलगुरी

## थांस्वि

सानदोमोन आं आंनि गोसोनि खोथाखौ फोरमायनो, सानदो आंबो सासे मोजां मानसि जानो सौनायखौ सौदोमोन इशोरनाव, अन्नायखौबो बिदोमोन इशोरनाव सौनाय सौनायखौ आं सौबाय, अन्नाय मोन्नायाव आं फेलें जाबाय। सानो आं आंनि गिदिर गोलाव जानो सान्नायाबो फेलें जागोन दां, सौदोमोन आं बे सौनायखौ इशोरनाव आंनि सान्नाया बुडे आं जेब्लाबो सासे मोजां मानसि जानो हागोन, बेनो जादो आंनि थांखि।

थरायना रैसुमै नार्जिरि  
ला:सो:-मागुरमारी  
जिल्ला:-कक्राझार (आसाम)

## 'लांगोना सेराव'

लांगोना सेरावनि बिफां सायाव दुब्रि हाग्रा लेमसो लेमसो सायाव जिरायना थानाया हाबाब! सैनाय नौ सोर जाखो? थानायनि फैनानयनि नुबाय थायो आं नौखौ ज'बाय थानाय। सोरांफा माफानो नुयो आं नौखौ लांगोना सेरनि बिफां सायाव; दुब्रि हाग्राखौ मोनगु होलायनाइ सैनाय नौ सोर जाखो! दाउखौओ गाबफेदो बिफांनि दालायाव बानानै। गोदान रादाव दंनामा सैनाय नौहा सोरबा जोहोलावोनो खौरां होनो? मानोथो थाबाय थादो नौ हारसिडै; राव गैया फंसेबो मिनिनाय गैया नौनि गुस्थिआव, हाबाब! सैनाय नौ सोर जाखो? जयमती, गाम्बारि सिख्ला, सिता आरो हादर अनफावरि बेलस्री सिख्ला बायदि नड नौ। हाबाब! सैनाय नौ सोर जाखो...? महरा बिनि सोमजोत्रो नारं सु गन्थं, मेवा आदै, थब्ल देस्थानि आखाय, दाउखा बिदै खानाय, मोच्लाइ जान्जि हाबाब! सैनाय नौ माइया आइजो नड थ...?

मुस्त्रि बिसनाथ मुसाहारी  
रैमालि जुनियर कलेज, बिजनी  
ला:सो:- मालियारा  
जिला- बिजनी, चिरां

## दंखायो

नौ अनजालुखौ आडे खालामबाय बे जोनोमाव आलाइ सिलाइ अन्नानै नौ आंखौ निमाहा होदो आंनि आनजाद नायनायाव नौखौ हमनो हाबाइदि थारैनो नौडे गोसो गोबांजो मोजां मोनो आंखौ। नौनि नायनाइ नौनि जंखायनाय नौनि फाव फेसनफोरानो फोरमायबाय आंखौ नौ मोजां मोनो होन्नानै। नौ जानाय नडमोन खोमा आंनि फारसे एसेबां मोजां मोन्नाय- जुदि आडे नौनो दंखायो होन्नानै सिगांडवोनो फोरमायखायो मोनबा, सान्नानै लाबाय गोरोन्थिया दाबो आंनि। नौ मालाइ माखौथो एसेबां मुहिनी नांखो आंनि माबेखौ लानानै- गैया आंहा एसेबां समायना महर। गोसोआव गोरोन्थि सान्नानै दालासै नौ अनजालुआ आंनि फारसे- नाथाइ; आं लुबैयो नौखौ लामा-सामा लोगो मोनोबा रायदावजानो, गोरोन्थिखौ गोरोन्थि साना लासिनो बेनो आंनि आरज नौ अनजालुनाव। जुदि, आंहा गैथायामोनबा बजबगौमोन नौ अनजालुखौ अरायनि- होगौमोन आं नौ अनजालुनो आंनि बिखानि थार अन्नाय मोजां मोन्नाइ। राहा गैया आंहा दिने नौखौ नेउसिनायनि अनगायै जेबो। फेगौ जोनोमाव लोगो मोनलाइथो आडे बेखौनो आसा मिजिं थिना थानोसै नौ अनजालुखौ।

थरायना रस्मि गयारी  
बिजनी गाल्स हाइस्कूल  
जिला- चिरां, बि.टि.सि (आसाम)

## अननायनि निजोरा

बोहैलाडे जिरि जिरि स्राय स्राय निजोरा जानानै दाहार गोनां दैमु गुसु दै बिखा गेजेरजो। आरोबाव, बोहैलाडे सुबुंथिनि बिखा-बिखा जरांने मेगनाव अखा महर लानानै। बेबायदिनो, खोलो-खोलो बाराव उराय लाडे जिउ सान्नि गोजो नखाडव मोजिलउ मोजिलउ सांग्रेमा जानानै ह

दिगन्त बड'सा  
बागसा, भगपुर



# समुवागातियाव दुलाराय आसाम बिथायाव गेवलां बिहु बादायलायनाय आरो हरियारि हरिमु गौमा खुंदों

**भवानिपुर, 11 मे:** गाति आन्सलिक फरायसा आफादनि बान्जायनायाव, सालबारि मिरु फरायसा आफाद, गिजेरि बिजनी फरायसा आफाद, गेदेर समवागातिनि राइजो-राजाफोरनि हेफाजाबव सालबारि महकुमनि सिखव थानाय आरो वल्ड हेरिटेज साइट मानास माहारियारि पार्कनि साखाथियाव थानाय समवागाति गामिनि श्रीश्री कामाख्या मन्दिरनि लामोनायाव खुंनया दुलाराय आसाम बिथायाव गेवलां बिहु बादायलायनाय आरो हरियारि हरिमु गौमाया दिने फुंभिलि समाव जाफुंसारि थुंगेयो। मख 'नो गोनादि, मैया मोनाबिलि 6:00 रिगायाव बिहु खुंफुंसारिनि हाबरा गेटखो बेखेवना होयो सर्थेबारिनि बापुजी फरायसालिमानि गोरयुं ७ रमेश चन्द्र दासआ। हाबरा गेटखो बेखेवना होनाई ७ रमेश चन्द्र दासआ बुंदोंदि, आसामनि हरिमुखो थै रैखाथियाव लाखिनो समाजयाव गुबै सुबुं सम्पदआबो जौगाखानांगोन। सुबुं माहारिया रंगौथि सोलेंथाय गोनां जानांगोन। बे बिथिखव सम, लोगो आरो खामानिखो थि बेसेन होनांगोन। सम, लोगो आरो खामानिनि फारसे समाजनि साफ्रोमबो सुबुंफोर



सांग्रां जानांगोन। गियान आरो सोलें थायजों हरिमुखो सिगालाहोनांगोन। बेनि उनावो बिहु खुंफुं सालियाव आलारि बाथि फोजोंनानै सालबारिनि बारग' एबसुनि दैदनगिरि-बिबुंगिरि आरो समाज सिबियारि बिनद मुसाहारिआ बुंदोंदि, आसामनि गुबुन गुबुन हरियारि हरिमुगोनो जाबय हरि-हरिसनि गेजेरव गोरबेलायनायखो गायसनजानानै मोनसे बिजों। आसामनि गुबुन गुबुन हरियारि हरिमुफोरनो आसामखो गुबुन हादतआवबो सिनायथि होदों।

आसामनि बायदि हरिमुआ दिने हादत-गुबुन हादतआव मुदंखा जानो हादों। आसामनि गुबुन गुबुन हरियारि हरिमुखो रैखाथि होनायनि बिथिखव आसामआव जिउ खोनाय गुबुन गुबुन हरियारि सुबुंफोर बिबान दडा। बिजु बरुवाआ सामलायनाय बेखेवनाय हाबाफारिजों लोगोसे गेवलां बिहु बादायलायनाय आरो हरियारि हरिमु गौमाया दुलाराय आसाम फरायसा आफादनि मिरु आफादयारि नेहाथारि कंकनज्यति शर्मा, मिरु मावफुं सोद्रोमा दिपक ठाकुरिया, बाक्सा जिल्ला एबसुनि आफादगिरि उमेश दैमारि,

मुदंखा आरिमुगिरि सित प्रसाद दास, खोला बिजनी सिनियर सेकेन्डारि फरायसालिनि फोरेंगिरि कल्पना दासआ जर'खा आलासि महैरि बिबुंथि होनायजों लोगोसे बाक्सा जिल्ला फरायसा आफादनि आफादगिरि जुबिन दास, बिबान मोनाय नेहाथारि नबजित राजबंसि, गुण गोनां फोरेंगिरि अनादिरान दास, आजिरा मोनाय गुण गोनां फोरेंगिरि जलेशर दास, अन्दा प्रसाद दास, गागि समाज सिबियारि मनमहन दास, समाज सिबियारि ठाकुर मेधो, उरिल दास, प्रनेश्वर दास, अञ्जन दासजों

लोगोसे माखासे जर'खा सुबुंफोर आलासि महैरि बाहागो लाफेदों। आसामनि गुबुन गुबुन ओन्सोलनि गोर्जो सरियाव थानाय मोन 12 बिहु हान्जाया बाहागो लाफेनाय दुलाराय आसाम बिथानि गेवलां बादायलायनायाव सुवाकुसि बंशरनि गेदेर बिहु हसुरि हान्जाया सेथि, नारंगिनि मचाय बिहु हान्जाया नैथि आरो पाटसालानि बजालि बिहु हान्जाया 3 थि जायगा मोनो हादों। बिहु खुंफुंसारियाव असमीया देंखो रेजाबो सिमान्त शरफिया आरो बिसिउर सिं बर'आ। मैया सानाव साखोन-सिखोन हाबाफारि, बान्था गन्याय मेत खुंनया जादों। सानैनि गेदेर हाबाफारिजों खुंनया दुलाराय आसाम बिथायाव गेवलां बिहु बादायलायनाय आरो हरियारि हरिमु गौमायाव 9 मेखालि दुलाराय आसाम फरायसा आफादनि फिफरिला बिहोनय, बिहुनि फिफरिला बिहोनय, मुंखलंफोरनो मान बाउनाय, बिफां-फुलि गायनाय, सोंगाब बादायलायनाय बायदि हाबाफारि खुंनया जादों। दिने फुंभिलि समनि 3:00 रिगासोयाव गेवलां बिहु बादायलायनाय आरो हरियारि हरिमु गौमाया थुंगेयो।

## गाम्धीबारि शंकरदेब शिशु निकीतनयाव बराय मान बावनाय मेल खुंदों

**तामलपुर, 11 मे:** तामलपुर जिल्लानि गोर्जो थारखोनि सोलेंथाय फरस्थान गाम्धीबारियाव थानाय शंकरदेब शिशु निकीतनयाव दिने मोनसे बराय मान बावनाय मेल खुंनया जादों। फरायसालि सामलाय आफादनि लेइइ आफादगिरि सान्तिम बर'आ आफादनि मासि सामलायनायाव इंग्रजो 2024 माइथयनि गोर्जो गेजेरि सोलेंथाय (मेडिक) आन्जादयाव फरायसालिनिफ्राय उरिसारायसा 22 फरायसाफोरखो बराय मान बाउनाय मेल खुंनया जाये। सा गाम्धीबारि गुदि फरायसालिनि आजिरा मोनाय गाहाइ फोरेंगिरि गिरिस काकतिआ आलारि बाथि फोजोंनायजों बेखेवना



होनाय बराय मान बावनाय मेलयाव थंखिजनाय बुंथिगिरि महैरि रडिया फोरेंगिरि फोरेंगिरि फरायसालिमानि गोरयुं पार्थ फुकन

महन्दा बाहागो लाफेनानै फरायसाफोरखो थंखिनानै माखासे थुलुंगाखों होनाय बिबुंथि होये। शंकरदेब शिशु निकीतन गाम्धीबारिनि गाहाइ

आचाज मनेश्वर कलिताया सामलायनाय मेलयाव फरायसालिनि बारग' गाहाइ कपिल डेक्का फरायसाफोरखो थंखिनानै थुलुंगाखोंहोनाय बिबुंथि होये। बे मेलयावनो फरायसालिनिफ्राय गोर्जो गेजेरि सोलोथाय आन्जादयाव गुण गोनाइ उरिनाय सा 22 फरायसाफोरखो गामसा आरो मान बिलाजों बरायो। विमा-बिफाफोर आरो फरायसालि सामलाय आफादनि बिबानगिरि-सोद्रोमा आरो जायगानि फरायसा दैदनगिरिफोर मेलयाव बाहागो लानानै फरायसाफोरखो थुलुंगाखों होये।

## लांहिनआव पद्मश्रि बान्था मोनगिरि सर्वेश्वर ...

फरस्थानफोर दुबुदयै मान बाउनानै बरायनायखो नुनो मोन्दों। बे हाबाफारिजों लोगोसेनो ओन्सोलनि गोबां आबादारिफोरखो लानानै मोनसे सांग्राथियारि फोरेंथाइ बादाबो खुंफुंनयाखो नुनो मोन्दों। काबि आंल जिल्ला कछारि समाजनि आफादगिरि दालसिं बसुमतारिनि मासि सामलायनायाव बे गोनांथार हाबाफारि दैदनलानायखो नुनो मोन्दों। नेहाथारि सनाराम बसुमतारिआ बिबुंथि लाखिनाय बे मेलआव गाहाइ आलासि महैरि बाहागो लानानै भात सरकारनिफ्राय पद्मश्रि बान्था मोनगिरि आबादारि सर्वेश्वर बसुमतारिआ बिबुंथि लाखिनायखो नुनो मोनो। बे हाबाफारियाव काबि आंल जिल्लानि गिबि सारिनि बर' आफादफोर जैरै- बर' थुनलाइ आफाद, एबसु, आबोप, गामि गोर आफाद, आबादारि आफाद, कछारि समाय बायदि गुबुन गुबुन आफादफोरनि बिबानगिरि सोद्रोमाफोरबो बाहागो लानो हायायखो नुनो मोन्दों। बे हाबाफारियाव काबि आंल जिल्ला गावखुंथाइ परिसदनि मावफुं सोद्रोमा बिलि महन खाख्कारिजों लोगोसे काबि आंल जिल्लानि आबाद बिफान, ना फिसिग्रा बिफान आरो एम्फो फिसिग्रा बिफाननि बिबानगिरिफोरबो बाहागो लानो हानायखो नुनो मोन्दों।

## गाहाइ मन्थिआ उरिष्यानि लकसभा बिसायख थि..

खालामदोंदि, मदि दैदनाय बिजेपि सरकारखो हादतनि नोगोरारिफोर बे खेबआवनो मिरुनिफ्राय बिदाय खालामसिगोन। 400 पारनि बाखाखोथ 'गोजानाव दोन, बिजेपिआ बे बारआव दिल्लीखो गारानै खारनांगोन। कंग्रेसनि बेबायदि दाबि खालामनायनि उनावो गाहाइ मन्थि मदिआ कंग्रेसखो सोंखारिनानै मोन 50 निबो खमसिनि बियाबआव कंग्रेसआ मासि आवप्रिगोन होनाइ दिखि दैखंदों। उरिष्यानि मोनसे गेदेर सुबुं गौमायाव बाहागो लानानै गाहाइ मन्थिआ 2014 माइथायाव 47, 2019 माइथायाव 51 मासि मोन्याय कंग्रेसआ बे खेबआव 2024 आव मोन 50 मासिखोबो मोन्याय नडा। मदिआ फोरमायनाय बायदिदिला, उथि खोलोबनि भट होखांनयनि उनावो बेरेखा दोलोआ सेरखाय-बेरखाय जानो हम्दों। बेनि अनगायैबो मदिआ कंग्रेसखो गारलोबनानै कंग्रेसनि दैदनगिरिफोर हादतनि नोगोरारिफोरखो नंखाय खोथाजों सिगि गासिनो दडआरो हादतनि गाव फोथायथिखो सिमफायनो नाजागासिनो दड होना गोरखों अजद देखानायखो नुनो मोन्दों।

## 4थि खोलोबनि बिसायख थिया अखिलेश ...

झारखान्ड आरो उरिष्याआव मोन 4 बियाव आरो जम्मु-काशिमरआव मोनसे बियाबआव भट आजावनाया खुंफुंजागोन। 4थि खोलोबनि बिसायख थियाव हादतनि गोबां नामि-दामि हेथिवेट बिजाथिफोर सायख 'जागोन। हेथिवेट बिजाथिफोरनि गेजेरव उत्तर प्रदेशनि बारग' गिबि मन्थि अखिलेश यादव, समाजबादि पारटिनि गाहाइ अखिलेश यादवआ कनोज बिबाबनिफ्राय बादायदों। अखिलेश यादबनि हेंथायै बिजेपिनि आधिखालनि एमपि सुब्रत पाठकआ बादायदों। समाजबादि पारटिनि मख 'जाथाय बियाव उत्तर प्रदेशनि कनोज बियाबआव 2019 माइथयनि बिसायख थियाय सुब्रत पाठकआ अखिलेशनि बिसि डिम्पल यादवखो फेजेन्दोंमोन। गुबुन फारसिंथि 2014 माइथायाव डिम्पल यादबनि हेंथायै सुब्रत पाठकआ जेन्दोंमोन। बे खेबआव बिसि डिम्पल यादवखो मयनपुर बिबाबनिफ्राय बादायदोनै अखिलेश यादवआ गावनो कनोजनिफ्राय बादायदों। बेबायदिनो समबायव त्रिनमुलनि दैदनगिरि महुवा मैत्रनि खाफालआबो सायख 'जागोन। महुवा मैत्रआ सोनाब बंगनि कृष्णगर बिबाबनिफ्राय बादायदों। महुवा मैत्रनि हेंथायै बिजेपिनि बिजाथि राजमात अमृता रयआ बादायदों। सोनाब बंगनि बेरहामपुर बियाबआव कंग्रेसनि बिजाथि अधिर रञ्जन चौधुरिनि हेंथायै बारग' क्रिकेटय एका तुनमुलनि दैदनगिरि युरफु पाठानआ बादायदों। बियाबआव बिजेपिनि बिजाथि निर्मल कुमारनि मुडबो हेथिवेट बिजाथिनि फारिलाइआव गोरलेफादों। बेबायदिनो बिहारनि बेगुसराइ बियाबआव मिरु मन्थि गिरिराज सिंनि खाफालआबो सायख 'जागोन। गिरिराज सिंनि बियाबआव फोसावदिनायनि जोबथा सानखालि आसामनि गिबि मन्थि ७ हिमन्त बिश्व शर्माखो जोबथा बिसायख थि फोसावदिनायखो नुनो मोन्दों। बेबायदिनो अन्ध्र प्रदेशनि गिबि मन्थि वाइएस जगन रेंडुनि बिबानाव वाइएस समिलाया अन्ध्रनि करपा बियाबनिफ्राय बादायदों। अदेबानि जगन महन रेंडुनि बिबानाव समिलाआ कंग्रेस दोलोनिफ्रायसो बादायनो ओंखारदों। बेबायदिनो समबारआव झारखान्डनि बारग' गिबि मन्थि एम मिरु मन्थि अर्जुन मुदानि खाफालआबो इथिपमआव सायख 'जानो थागांसिनो दड। अर्जुन मुदाया झारखान्डनि खुन्टि बिधान सभा बियाबनिफ्राय बादायदों। बेबायदिनो सोनाब बंगनि आचानसल बिबाबनिफ्राय तुनमुलनि दैदनगिरि शत्रुन्ट सिन्हायाबो बादायदों। तेलंगाननि हाइदराबाद बिबाबनिफ्राय बिजेपिनि जानानै फावगिरि माधबि लटआबो बादायदों। लकसभा बिसायख थिनि सिगां-सिगां बिजेपिआ माधबि लटखो सायख 'नानै बिसायख थियाव बिजाथि महैरि फरसंदों। 4थि खोलोबनि बिसायख थिनि सावनाय जाबाय थानाय बिजाथिअधिर गेजेरव तेलंगाननि करिमनगर बिबाबनि बिजेपिनि बिजाथि बान्दि सन्जय कुमारनि मुडबो जावले-जावले मख 'जादों। समबारनि बिसायख थियाव बिसोर बायदि हेथिवेट बिजाथिजों लोगोसेनो इथिपमआव गारै सा 1717 बिजाथिफोरनि खाफालआ जोबथे जानानै थागोन।

## एसएसबिनि बान्जायनायाव थै दान होनाय ...

फाहामसालिनि हेफाजाबव खुंनया बादायाव एसएसबिनि लोगो कामन्डार रञ्जित सिंजों लोगोसे बेटेलियननि सा 30 बिबानगिरि-जवानफोर गावनि गोसो बायदिथै थै दान होदों। आरएनबि फाहामसालिनि फाहामगिरि डा: मकलेसुर रहमाननि दैदनायाव फैन्या फाहामगिरि-देहा मावफारियाफोरनि हान्जाया रेखाथियै थैखो बुधुमना सरैखाथिनारनि राहा खालामना लायो। थै दान होनाय बादायाव लेइइ कामन्डार प्राग चतुर्बेदिआ बाहागो लाफेनानै बुंदोंदि, थै दान होनाया सुबुंफोरखो जिउ दान होनो हायो। मोजां देहानि नोगोरारिआ थै दान होयोब्ला गोनाथि जानाय सुबुंफोर समनि गेजेरव थै आजावनानै जिउ रेखा खालामनो हेफाजाब मोनगोन। जर'खयै जाब्रबथाय जानाय जाहोनाय जोखाम जानाय सुबुंफोरखो गोखैथार महरव थैनि गोनाथि जायोब्ला सरैखाथिनया थै गथायनानै जिउ रेखा खालामनो हायो। नेमबादिथै थै दान होयोब्ला ब्लाड प्रेसार आरो बिखानि बेरगमनिफ्राय गोबां हेफाजाब मोनो हायो होना कामान्दार चतुर्बेदिआ गावनि बिबुंथियाव फोरमायो।

## आसाम सरकारआ पद्मश्रि ...

गुवाहाटी फाहामथाय हादतसा केन्सर इन्स्टिटउटआव 22 एप्रिलनिफ्रायनो फाहामथाय होगासिनो दड। थान्या गोबां साननिफ्रायनो 75 बोसोरारि पद्मश्रि बिबाला राभाआ जाग्रा नालायाव बेखेवनाय बेरगमआव गोरलेनानै दड। थान्या 4 मेनिफ्राय राभाखो आइसिइउआव दोनानै फाहामथाय होगासिनो दड। गाहामसिन फाहामथायनि थाखाय पद्मश्रि राभानि नख 'रनि सुबुंफोर राहागोथे जानांदोमोन। बेनिखायनो पद्मश्रि राभानि गाहामसिन फाहामथायनि थाखाय नख 'रनि सुबुंफोर सरकारनि खाथियाव आर'ज खालामदोंमोन। गिबि मन्थिआ मन्थि चन्द्रमहन पाठवारिखो पद्मश्रि राभाखो खौरं लानो थाखाय दैथायहखाय होना मिबथिनो मोन्दों। गिबि मन्थिनि बिथोन बायदिथै मन्थि चन्द्रमहन पाठवारिआ पद्मश्रि राभानि सावसिनि खौरं लाहैयो आरो नांगो जानाय गासैबो हेफाजाबखोनो होनो थाखाय नख 'रनि सुबुंफोरनो सरकारनि फारसिंफ्राय खोथा होबोयो। मख 'नो गोनादि, पद्मश्रि राभाआ दाइनि बुथारनायनि बेरेखा खालामनानै समाजआव मोनसे दिंग्रय बिन्दो लाबोनो हादोंमोन। राभानि नोजेर बोथावना बेबायदि समाजनि हाबा मावनारनि थाखाय 2021 माइथायाव भारत सरकारआ पद्मश्रि बान्था गथायदोंमोन। आसाम सरकारनि दाइनि बुथारनायखो होबथानाय आरो रेखाथि आइन 2015 खो मावफुंनयाव पद्मश्रि बिबाला राभानि गोबां बिहोमाया मख 'जाथाव।

## बिसि-फिसाइआ 4 बोसोरनि...

असुत्यानन्दनिआव मोनसे पन फैदोंमोन। पनआव बाथ्रा रायज्लायखानायनि उनावनो ओंखाम खुरनायखो जायालासेनो असुत्यानन्दआ न 'निफ्राय ओंखारलाडो। फिसाइखो ओंखारलानाय नुनानै बिसि ममतआबो उन-उन ओंखारलांफायो। बै सान खालिनो मोनाबिलिआव तिनचुकियानि लोगो एसपिआ बिफा समनिल नेउगोनो पन हरनानै बिसि फिसाज्ला आरो बिहामजोआ आल्फायाव हाबहैबाय होन्याय खौरं हरो। बेनि उनाव थान्या 6 मेआव काकपतार थानानि बिबानगिरिआबो नख 'रनो बिसोर सानैआ आल्फायाव थंबाय होना रोखा खौरं हरो। बेनि उनाव नख 'रआ बे जाथयनि सोमोन्दै रोखा जायो आरो लोगो-लोगोनो नख 'रआव हलाय-हाफाय थासारि सोमजियो। उन्दै थिंजावसाखो नागारलानानै आल्फायाव थान्या जाथायखो ओन्सोलनि थागिबिफोर सानबबो सानख 'नो हायाखे। मख 'नो गोनादि, असुत्यानन्द नेउगनि बिफा समनिल नेउगा सिगाडव आल्फामोन। 1993 माइथायाव गावखो गथायनानै समनिल नेउगा आ न'आव दडमोन।

## बिसमुरि दख 'रा एबसुआ बर' ...

फरायसाफोरखो दिने कक्राइार जिल्लानि सिखव थानाय बिसमुरि हालामनि बाशबारि गोर्जो फरायसालिआव सानसेनि मेहेरगोनानां हाबाफारि खुंनयनि गेजेरजों बरायदों। मख 'नो गोनादि, दिनेनि बरायनाय हाबाफारिखोनो लोब्बा लाननै गुबुन मोनसे हाबाफारिखो लाफाबवोंदि, 2023 मायथायनि मिरु एबसुनि 8थि मिरु रंगौसा सायख ' आन्जादयाव थाखो गु (9) आरो जि (10) थि 3थि मासि (टप-3) उरिष्यारनाय फरायसाफोर आरो कक्राइार जिल्ला एबसुनि 2थि रंगौसा सायख ' आन्जादयाव थाखो द' (6), सि (7) आरो डइन (8) थि 1थि मासि (टप-1) उरिष्यारनाय फरायसाफोरखो बरायनाय हाबाफारि लाफायो। बरायनाय हाबाफारिआव बिसमुरि दख 'रा दुलाराय बर' फरायसा आफादनि आफादगिरि जौलारि बसुमतारिनि मेल सामलायनायनि गेजेरजों बेखेवनानै होयो कक्राइार जिल्ला दुलाराय बर' फरायसा आफादनि आफादगिरि कृपेश दैमारिआ आरो हाबाफारियावनो हांखायहरनाय बायदिथै गाहाइ आलासि महैरि बाहागो लायो दुलाराय बर' फरायसा आफादनि सोलेंथाइ नेहाथारि सोमावसार बसुमतारिआ। गाहाइ आलासि महैरि बाहागो लानानै थिखाड फरायसा-फरायसालिनि बिथामोंनइ थाखाय मा हा गोनांथार बिनि थाखाय गुवारै बेसेन गोसा बिबुंथि लाखियो। हाबाफारियाव दुलाराय बर' फरायसा आफादनि लोगो हरिमु नेहाथारि बुद्धिम बसुमतारि, मावख 'नेहाथारि निनु बर', कक्राइार जिल्ला एबसुनि थुनलाइ नेहाथारि हेमन्त बसुमतारिजों लोगोसे दख 'रा आफादनि दैदनगिरि बिथामोंनहाबो बाहागो लानो हायो आरो ओन्सोलनि गुबुन गुबुन आफादनि दैदनगिरि, फोरेंगिरि बिथामोंनहाबो बाहागो लायो। बे हाबाफारिखोनो मेहेरगोनानि खालामनो बरायनो लेंहरजानाय फरायसुला-फरायसुलि फंवाय-बिबानावमोनजों लोगोसे दिथागिरि आरो गुबुन गुबुन फरायसालिनि फरायसा बिथामोंनहा।

## गिबि मन्थि उ० शर्माआ बिहारआव बिसायख थि..

फोरमायबावनाय बायदिदिला, जेब्ला हादतआ हिन्दु धोरेमजों बुंफबगोन अल्लानो बेखार जेनायाबो गावनो-गाव जोबखानांगोन। दिनेनि दिनआव सोरनि हारिया बेसेबां सुबुं सानखो बाहोगासिनो दडबेखो बयबो मिबथिखागो। जुदि हादतआनो हिन्दुजों बुंफबो अल्ला गोबां माखासे जेनाफोर गावनो-गाव गोमालांगोन। मख 'नो गोनादि, बे समाव आसामनि गिबि मन्थि ७ हिमन्त बिश्व शर्मा बिहारआव बिसायख थि फोसावदिनायाव मुखुब जानानै दड। बेगुसराइआव मोनसे गेदेर सुबुं गौमायाव बाहागो लानानै गिबि मन्थिआ बेबायदिनो बिबुंथि लाखिनायखो नुनो मोन्दों। बिसायख थिनि सुबुं गौमायाव गिबि मन्थिआ कंग्रेसखो गोरखों रवजों सोंखारिनानै इन्डिया एलाइन्सनि जोरनाय समखो 4 जुनसिमल' थागोन होना फोरमायदों। 4 जुन सिम जेसेबां सावयज्लायनांगो दड बेखो सावरायनानै लाखानो थाखाय गिबि मन्थिआ कंग्रेसखो खालायहरदों। बे हाबाफारियाव बाहागो लानानै गिबि मन्थिआ गावनि बिबुंथियाव आम्बेदकारखो संबिजरिआव हरिनि थागिदखो नायनानै एसटि, एससि, अबिसिनि थाखाय सरैखाथिनि राहा खालामदोंमोन होना फोरमायदों। कंग्रेस आरो टिएमसिआ अबिसिनि सरैखाथियाव मुसलमानखो उन्थिजयनि दरजाजों सरैखाथि खालामनायनि राहा खालामदों। बेबायदिनो लालु यादवआबो उदाडैनो मुसलमानफोरखो सरैखा खालामनायनि बाथ्रा बुजे। नाथाय गिबि मन्थिआ गावनि बिबुंथियाव फोरमायबावनाय बायदिदिला, मुसलमानफोर जेसेबां खाबु मोनगासिनो दड; बेफोर गासैबो सरैखाथिनि खाबुआ जोयनयनानै। कर्नाटक, बंगल, अन्ध्र प्रदेशआव मुसलमानफोर जैरेबायदि खाबु मोनगासिनो दड; बेखो बन्द 'खालामनांगो। भारतआव धोरेमनि मुडव सरैखाथि खालामनायजों जों लुबैया होना गिबि मन्थिआ गावनि बिबुंथियाव फोरमाय बावदों। बेनि सोलायै हरिनि मुडव सरैखाथि खालामनायखो गोसो होनांगो। आम्बेदकारनि हेंथायै जाय सोलिनो नाजागोन बिसोरनि हेंथायै एन्डिएआ दावहा फोसावगोन होनानै गिबि मन्थि ७ शर्माआ 400 पार खालामनानै मासि मोन्यायजों लोगोसे पाकिस्तानआ आवप्रिनानै लानाय काशिमरखोबो हादतनि सिडाव लाबोफिथायनानै होना गिबि मन्थिआ फोरमायबावदों। गिबि मन्थिआ बे हाबाफारियाव बाहागो लानानै बेरेखा दोलोफोरखो गोरखों रवजों सोंखारिनायजों लोगोसे कृष्णनि जोनोम हाखो उदां खालामनाय, हादतआव इडसिसिखो बाहायनाय, हादतखो मदिनि दैदनायाव बिश्वरु खालामनो, गियान बापि मसजिदिनि जेनाखो फोजोबनाय, काशि-बिस्वनाथ आरो गोथार मन्दिर गायसनबावनो हाबावनायनि सोमोन्दै गोबां गोनांथार बाथ्राफोरखोनो फोरमायथिनाय नुनो मोन्दों।

## मणिपुर-म्यानमार सिमनायाव पिपुल्स डिफेन्स ...

पिडिएफ, केएनएफ (बि)नि गेजेरव गिखंथावै गावलायनाय जादों होना खौरं मोन्याय जादों। मिबथिनो मोन्याय बायदिदिला, म्यानमारनि मेटिदआव शुक्रबारआव गिखंथाव जानानै थानाय बे जाथाया दासिमबो गोहोम खोखेनानै दड। खौरं मोन्याय बायदिदिला, बे जाथायाव म्यानमारनि उतखारि हान्जा पिडिएफ आरो केएनएफ (बि)नि सानै सोद्रोमाफोर जिउ गोमादों। बेनिनो सासेआ पिडिएफनि आरो गुबुन सासेआ केएनएफ (बि)नि गुबुन फारसिंथि बे जाथायाव खमेबो सा 9 पिडिएफनि केडारफोर जोखोम जानायजों लोगोसेनो केएनएफ (बि)नि गोबां सोद्रोमाफोर जोखोम जादों होना मिबथिनो मोन्दों। बे जाथायाव सा-सान्जा राइज्योनि उतखारि हान्जा पिपुलरआरनि सानै सोद्रोमा आरो म्यानमार रैनियानि सानै सोद्रोमाफोरबो जोखोम जादों होनानै मिबथिनो मोन्दों। मिबथिनो मोन्याय बायदिदिला, बे सिमना ओन्सोलाव मणिपुरनि मैतैइ उतखारि हान्जा पिपुल्स लिभोरसन आर्मि (पिएलए) आ सांग्रा जानानै दड। मख 'नो गोनादि, म्यानमारनि गुबुन हादतआरि नायसं आफादआ भारतआव आस्रय लाफेनाय म्यानमारनि नोगोरारिफोरखो बाद होनो थाखाय पिडिएफ आरो केएनएफ (बि)नि सोद्रोमाफोर जथायै म्यानमार रैनियानि बाद आरो मेटिदिनि सागार्थनि खौरनि बायदिदिला, बुहस्पतिबारिनिफ्रायनो गिखंथाव हाथियार लानाय गोबां बिबानि पिडिएफ आरो केएनएफ (बि)नि सोद्रोमाफोर सा-सान्जा राइज्योनि उतखारि हान्जानि बादायाव बेंदोनानै बमा गारदेरना गुलि गावगुंदोंमोन। दिने फुंनि समावनो गुलि गावनाया बार जानो हम्नो। गुबुन फारसिंथि बे गारलोबनायनि फिनजाथाय महैरि म्यानमारनि रैनियाया पिडिएफ आरो केएनएफ (बि)नि थानाय जायगायाव उरां जाहाजजों गारलोबदों होना मिबथिनो मोन्दों।

## नरेन्द्र मदिआ नडा, अमित शाहआसो गाहाइ...

शाहआसो गाहाइ मन्थिनि मासियाव जिरायगोन। बे बेरफूसार बिबुंथिखो लाखिदों बावैसो सान सिगां तिहार जोबथेसालिनिफ्राय जागिनआव गलानाय दिल्लीनि गिबि मन्थि अरबिन्ड केजरिवालआ। बेनि अनगायैबो केजरिवालआ दाबि दैखानावनाय बायदिदिला, फेगो सेप्टेम्बरआवनो नरेन्द्र मदिआ गाहाइ मन्थिनि बिबानखो एंगारनांगोन। गाहाइ मन्थि नरेन्द्र मदिनि बैसोआ फेगो 17 सेप्टेम्बरआव 75 बोसोर जासिगोन। मदिआ गावनो 75 बोसोर बैसो जानाय दैदनगिरिआ आजिरा लानांगो होना नेमखास्थि बानायलांदोंमोन। जायनि जाहोनाव लालकृष्ण आडवनि, मुरलि मनहर जशी, सुमित्रा महाजन आरो अमित सिन्हाआ बे नेमखास्थिनि गेजेरजोंनो बोलि जानांदोंमोन। बे खेबआव 17 सेप्टेम्बरआव मदिआबो आजिरा मोनगोन। गावनि आजिरा मोन्याय समआ सौफेनाय लोगो लोगोनो मदिआ गावनि लोगो अमित शाहखो गाहाइ मन्थिनि मासियाव फज 'गोन होनानै केजरिवालआ बेरफूसार बिबुंथि लाखिनायखो नुनो मोन्दों। मदिआ बे खेबआव अमित शाहनि थाखायसालिनि दड बिदों। नोजेर होनो गोनां बाथ्रादि, बे खेबनि लकसभानि बिसायख थिआव बिजेपिहा जेबो गोनांथार आयद गैयामोन। बेजों लोगोसेनो जर'खा जेबो खोथा गोरनायखो नुनो मोनाखे। खालि मदिखोले 'सिगाडव दोनानै मदिखो उथि खेबनि थाखाय गाहाइ मन्थि खालामनांगो होनाल 'नोगोरारिफोरनिफ्राय भट बिदों। मानोना बिजेपिआ मदिनि मुसुखाखो सिगाडव दोनानै बिसायख थिखो देहासारनायनि आदव रसाइदों। जोबथेसालिनिफ्राय ओंखाबोनायनि उनावनो केजरिवालआ बिजेपिनि बे आदवखो फेलें खालामनो थाखाय उदाडैनो बेनि बाथ्रा फोसावनानै फिन बिथेर लाफिनायखो नुनो मोनगोन। खालि बेल 'नडा केजरिवालआ दाबि खालामबावनाय बायदिदिला, नरेन्द्र मदिआ मोनसेन' हादत, सासेल' दैदनगिरि सान्थायखो गायसनो नाजादों। थापनि दैदनगिरिआ दाबि खालामबावनाय बायदिदिला, बेरेखा दोलोनि बाथ्राखोथै 'बाद हो दोलानि गेजेरवनो थानाय गावनि हेफाजाबगिरिखोबो मदिआ ओंरैनो हगार। केजरिवालआ दाबि खालामबावनाय बायदिदिला, मदिआनो लालकृष्ण आडवनि, मुरलि मनहर जशी, बसुन्दार राजे, शिवराज चौहान, रमन सिं बायदि दैदनगिरिफोरनि राजखास्थि केरियायआ जोबसांदों। बे खेबआव यगी आदित्यानथनि फाला। मदिआ गोहोआव फेयोब्ला 2 दाननि गेजेरवनो गिबि मन्थि यगी आदित्यानथनि मासियाव गुबुनखो फज 'गोन होनानै केजरिवालआ दाबि दैखानायखो नुनो मोन्दों।

## हरिसिगा गोर्जोसिन फरायसालिनि सासे ...

ओन्सोलनि फरायसाफोर सोलेंथाइ लाखानायनि उनाव राजखास्थि बिथिखव, एम एल ए, बि टि सिनि मावफुं सोद्रोमा, एम सि एल ए, बि टि सिनि बुंथिगिरि, लेइइ गाहाइ खुंभिलि, बायदिजों लोगोसे बंक मेनेजार, डम्प्टर, भातयारि रेलवे बिफान, ए पिए, हादतआरि थारखोनि फुटबल गेलेगिरि, रेंडिआ' आर्टिष्ट, भातयारि रेखाथि बिफाननि आर्मि पुलिस, मेथाइ रोजाबगिरि, खौरागिरि, गाहाइ फोरेंगिरि, लोगो फोरेंगिरि, जौमा फरायसालिनि गोरयुं सयदो गोबां मुं लाखिलानो हानया ओन्सोलाव मुं खालामनो हानयाखो नोजेर बानायनि गेजेरजों फेबाय थानाय बायद मोजां मोनसे थासारि दानायनि थांथिजों थान्या 2022 माइथायाव हरिसिगा गोर्जोसिन फरायसालिनि बारग' फराय



## सासेबो मुंदांखा फावखुंग्रिया मिथुन चक्रवर्तीजों खामानि मावनो लुबैयामोन

मिथुन चक्रवर्तीआ हिन्दी सावथुननि रंग्थि गोनां फावखुंग्रिफोरनि गेजेराव सासे। डिस्क डेन्सार, शपथ, शतरंज, हेवेन से सुंदर बायदि गासैबो सावथुनफोराव बिथाड गिदिर फावखुंग्रिफोरजों फैसालियाव नुजाथिदों। बिथाड खेबसेल' नख खेवथाम हायुंआरि बान्थाबो मोननो हादों। 80 आरो 90 जौथायफोराव बलिउडखौ सासन खालामगना मिथुन चक्रवर्तीआ गोबां हिटफोरजों सावथुननि मुंदांखा जानो हादों, नाथाय मोनसे सम दंमोन जेब्ला रावबो मुंदांखा फावखुंग्रिया बिथांजों खामानि मावनो थियारि



नखमोन। रोजाबनाय रियेलिटी श्व सा रे गा मा पाआव मिथुनआ गावनो सानसे जुजिनायनि सानफोरखौ गोसोखादोंमोन। आथिखालाव बिथांनि गोजाम बिबुंधिया सावरायगासिनो दं। मिथुन चक्रवर्तीआ श्वआव बुंदोंमोनदि,

रावबो मुंदांखा फावखुंग्रिया बिथांजों खामानि मावनो थियारि नखमोन। सुबुंफोरा बिथांखौ फिसा आरो बि-ग्रेड हाथरखि मानियोमोन। फावखुंग्रिआ बुंदों, रावबो मुंदांखा फावखुंग्रिया आंजों खामानि मावनो थियारि नखमोन। बिसोरो सानदोंमोनदि,

आं सासे फिसा स्टार। बियो माब्लाबाबो मा फावखुंग्रि जानो हागोन ? बिखौ सोर जोहोलाव खालामगोन ? बिसोर आनि सोमोन्दै मा बुंदोंमोन ? आं बेखौबो बुंनो लुबैया। मानोना बेखौ गोसोखाडोब्ला बियो दुखु मोनो।

मिथुन चक्रवर्तीआ बुं'बावदोंदि, बै समनि जोहोलावफोरा गाहाइ फावखुंग्रिफोरखौ गावसोरजों खामानि मावनो नाड होनना होबथायोमोन। मोनसे सम फेदोंमोन जेब्ला आं सानदोंमोनदि आं माब्लाबाबो बी-ग्रेडनिफ्राय ए-ग्रेड हीर'आव

थानो हानाय नख। गोबां समावनो फावखुंग्रिफोरा फोसावनायनि उनाव सावथुनफोरखौ नागारोमोन। गोबां नारसिननाय दंमोन आरो गुबुन फावखुंग्रिफोरा रैखाथि गैयै मोनदि आं सानसे गिदिर सुबुं जाहैगोन। बेनिखायनो बिसोरो गाहाइ फावखुंग्रिफोरखौ हुमखि होयोमोन, जुदि नोंथाड बिथांजों खामानि मावो, अब्ला नोंथाड जोंजों खामानि मावनो हाया। जेब्ला रावबो गाहाइ फावखुंग्रिआ मिथुनजों खामानि मावनो लुबैयाखौमोन, अब्ला जीनत अमानआनो बिथांखौ मदद होदोंमोन। फावखुंग्रिआ बुंदों, जीनत जीआ बुंदों, बियो जोबोद समायना। आं बिथांजों मोनसे सावथुन खालामगोन। बियो जीनतमोन जाय बै दुखुनांथाव खाफालखौ फोजोबदोंमोन। जीनत जीआ गावनि समनि नम्बर 1 गाहाइ फावखुंग्रिमोन। बेनिखायनो बिथांखौ नुनाय गुबुन गाहाइ फावखुंग्रिफोरखौ आंजों खामानि मावनो रजि जादोंमोन। तकदीरखौ हगारनाय जादोंमोन आरो आं सासे गोजौ थाखोनि फावखुंग्रि जादों। आं जेब्लाबो जीनत जीनि थाखाय साबायखर बाजोन।

## सबा आरो शिबानीखौ ऋतिक-फरहानजों नुनो मोन्दों

बलिउडनि फावखुंग्रि ऋतिक रशन आरो फरहान अखरआ सावथुन 'जिन्दीगी ना मिलेगी दबारा' आव जयै खामानि मावदोंमोन। बे सावथुनाव सानैबो स्टारफोरनि लोगोआरि सोमोन्दोखौ नुनो मोन्नाय जादोंमोन। सावथुनफोरनि अनगायैबो, ऋतिक आरो फरहानआ गुबै जिउआवबो मोनसे मोजां सोमोन्दो दं। सानैखौबो गोबां खेब जयै नुनो मोन्दों। आथिखालाव बावैसो बिसोरनि मोनसे भिडिअ' भाइरेल जादों, जेराव बिसोरखौ मुम्बाइनि मोनसे रेस्टुरेन्टनि बायजोआव जयै नुनो मोन्नाय जादोंमोन। बे समाव, ऋतिक रशनजों लोगोसे बिथांनि अनजालि बिसि सबा आजाद आरो फरहान अखरजों लोगोसे बिथांनि बिसि शिबानी दान्डेकरआबो दंमोन। साब्रैबो जयै पेपारजिनि थाखाय पज होदोंमोन। हास्थायगिरिफोरा फिन खेबसेबाव स्टारफोरखौ जयै नुनानै गावसोरनि



सावथुनखौ गोसो खांहोयो। ऋतिक रशन-सबा आजाद आरो फरहान अखर-शिबानी दान्डेकरनि भिडिय'आ जोबोद गोखै भाइरेल जागासिनो, जेराव बेखौ नुनो मोनोदि, फरहानखौ गासैबो गोसोम गावनि खसाबआव नुनो मोन्नाय जादों। बिथाड गोसोम गावनि टी-शार्टजों लोगोसे गोसोम पेन्ट गान्दों। एखे समावनो, ऋतिकआ मोनसे गुफुर टी-शार्टनि सायाव डेनिम जेकेट आरो ग्रे पेन्ट गान्दों। बे समाव, सबाखौ गोसोम गावनि

डेसआवबो नुनो मोन्नाय जायो आरो शिबानीआ गोसोम गावनि खसाबनि सायाव डेनिम जेकेट गानो। बे भिडिय 'खौ नायखानायनि उनाव, अन्सायगिरिफोर खौबो गावसोरनि फिनजाथाय होनाय नुनो मोनो। सासे बाहायगिरिया बुंदोंमोनदि, बेखौ नायखानायनि उनाव आं 'जिन्दीगी ना मिलेगी दबारा' खौ गोसो खांदोंमोन। बे समावनो, गुबुन सासे बाहायगिरिया लिरदोंदि, अर्जुन आरो इमरान आरोबाव

ज' जादोंमोन। ऋतिक आरो फरहाननि अनगायैबो, केट्रिना केफ आरो अभय देअलआबो 'जिन्दीगी ना मिलेगी दबारा' आव गाहाइ फावआव दंमोन। ऋतिक रशननि खामानि बाथा बुडोब्ला, बिथांखौ थाबैनो नैथि दावहायाव नुनो मोनगोन। बेजों लोगोसे, बिथांनि 'कृष 4' नि सोमोन्दै माखासे आपडेटफोराबो फैबाय थायो। बे समावनो, फरहानखौ थाबैनो डन 3 प्रजेक्टआव खामानि मावनाय नुनो मोन्दों।

## जुलिन थाखाय गोसो बायनानै पाकिस्ताननि फावखुंग्रि हानिया आमिरआ बलिउड फावखुंग्रिनिफ्राय सुबुरुन बिहरदों

पाकिस्ताननि फावखुंग्रि हानिया आमिरनि अन्सायगिरिफोराबो भारतआव गोबाडैनो दड। गोबां समावनो बेखौ नुनो मोनोदि, हानियाआ माबा मोनसे जाहननि थाखाय सोराडव थायो। गावनि समायनानि थाखाय मुंदांखा हानियाआ जुलिन थाखाय जोबोद गोसो बायनानै दं। बावैसो बिथाड समाजयारि



बिजोडव दंगल सावथुननि फावखुंग्रि सान्या मल्हत्रानिफ्राय जुलिन सुबुरुन बिदों। फै जों बेबाथ्राखौ एसे गुवैरै फोरमायना नायदिनि। सान्या मल्हत्राआ आमिर खाननि ब्लकबास्टर दंगलजों गावनि सिनायथिखौ होदोंमोन। बावैसो उर्फ जावेदिनि जोबनो हायै पडकास्टआव नुजादों। बे समाव सान्याया गावनि जुलि बानायनाय रंग्थिनि बागै खुलायै बुंदों। फावखुंग्रिया बुंदों- आं जरा बानायनाय आरो मानसिफोरखौ हाबा खालामनायनि बेलायाव जोबोद आखा-फाखा। आं आनि बिनानावखौबो हाबा खालामदोंमोन आरो आनि गोबां लोगोफोर दं जायनि न'फोरा आनि थाखायनो थाफेदों। बेनिखायनो आं बुनो हायोदि, आं बे आयदायाव आखा-फाखा जाबाय। बेनि मोनसे भिडिअआ आथिखालाव इनस्टाग्रामआव नुजाथिदों, जेराव हानिया आमिरआ बिबुंधि होदों आरो सान्यानिफ्राय मदद बिदों।

थामहिन्बा हानियाआ बलिउडनि फावखुंग्रिफोरनिफ्राय आवफावफोराव जुलिन थाखाय मदद बिगासिनो दं। सान्या मल्हत्रायाबो गोबाव खालामाजासे पाकिस्ताननि फावखुंग्रिनो फिन्नाय हर्दों आरो लिरदों-थारै नो बिनानाव। बेबादिनो हानिया आरो सान्यानि गेजेराव बे रंजाथाव सावरायलायनायखौ ससियेल मिडियाआव नुनो मोन्नाय जादों। बेनि सिगाडव हानिया आमिरनि मुडबो बिथांनि गावयारि जिउनि बागै गोबां सावरायजादों। नंगुबैयै बलिउड रेपार बादशाहजों डेट खालामनायनि खौरनि थाखाय हानियाआ सिगां समफोराव गोबां गिबि खौरां बानायदोंमोन। बबेखानि बिसोर सानैबो बे आयदायाव गावसोरनि फारसेनिफ्राय जेबो फिनजाथाय होआखै। नाथाय हानियाया जेरै जुलिन सुबुरुन बिगासिनो दं बेखौ बुंनो हायोदि, थाबैनो बियो हिन्जाव गोदान जानो हसिगौ।

## 60थि जोनोम बोसोरआ सलमान खाननि थाखाय जुनिया जागोन

सलमान खानखौ हिन्दी सावथुननि मेगा सुपरस्टार मानिनाय जायो। आथिखालाव सलमानआ खोला सावथुननि मुंदांखा दिथागिरि ए.आर. मुरुगाद'सनि फैगौ सावथुन सिकन्दरनि थाखाय खौराडव दं। बावैसो रश्मिका मन्डनाया बे सावथुनआव गाहाइ फावखुंग्रि महैर हावदों। हास्थायगिरिफोरा सिकन्दरनि थाखाय गोबां मिजिं दं आरो बेखौ फोथायनाय जायोदि, बे सावथुनआ भाइजाननि मोगथाडव फैफिनगोन। बेनि सिगाडव सिकन्दरनि हिट जानायनि मोनसे गिदिर दाबि फैगासिनो दं, जाय



सलमान खाननि 60थि जोनोम सानजों लोब्ला दं। सलमान खानआ आथिखालाव गावनि 59 थि बोसोरआव दं। 27 डिसेम्बर 2024 माइथायाव बिथाड बैसोनि बे थाखौबो बारगोन आरो 60 थि बोसोरव आगागान होगोन। बिथांनि

सावथुन सिकन्दरआ फैगौ बोसोर 2025 नि इद फोबों फालिथायाव रिलिज जागोन। दानिया फै बुजिनिदि, बिथांनि हिटआ भाइजाननि जोनोम साननि बोसोरजों मा सोमोन्दो दं। सुलुनि बादिब्ला, जेब्लानो सलमान खानआ गावनि बैसोनि

मोनफ्रोम जि बोसोराव फैयो, बिथाड मोनसे गिदिर हिट सावथुन होयो। बेनि जाहनआ बेनोदि, जेब्ला सलमानआ 30 बोसोर बैसोआव बिथाड इ 1995 माइथायाव करण अर्जुन, 2005 माइथायाव न'एन्टी, 40 बोसोर बैसोआव न'एन्टी आरो 50 बोसोर बैसोआव बजरंगी भाइजान बायदि जाफुंसार सावथुनफोर होदोंमोन। आथिखालाव फैगौ बोसोरआव सलमान खाननि बैसोनि आरोबाव मोनसे जि बोसोर फेगासिनो दं आरो बेखौ आन्दाज खालामनाय जायोदि बिथांनि जिउनि जि बोसोराव हिट

सावथुनफोर होनायनि खाथिथाय सिकन्दरनि गेजेरजों सोलिबाय थागोन। फावखुंग्रि रश्मिका मन्डना, जाय रणबीर कापुरजों एनिमेल बायदि मेगा ब्लकबास्टर सावथुनफोर होदों, आथिखालाव सलमान खानजों सावथुन सिकन्दरआव नुनो मोनगोन। बेयो गिबि खेब जेब्ला सलमान आरो रश्मिकाखौ गिबि खेबनि थाखाय मोनसे सावथुनआव खामानि मावनाय नुनो मोनगोन।

## कृति सेननआ गावनि जिउ लोगोरिनियाव माखासे गुनफोरखौ हास्थायो


बलिउडनि फावखुंग्रि कृति सेननआ सावथुनफोरजों लोगोसे गावनि गावयारि जिउनि थाखाय गिबि खौराडव दं। गोबाव समनिफ्रायनो खौरां फैगासिनो दंदि बिथांजोआ फालागियारि कबीर बहियाजों डेट खालामगासिनो दं। बबेखानि फावखुंग्रिया दासिमबो बेखौ गनायना लायाखै, नाथाय दा बिथाड मोनसे मोगा-मोगियाव गावनि आदर्श लोगोरिनि बादै राज्यलायदों। कृति सेननआ फोसावदोंदि, बिथांजोनि आदर्श लोगोरिआ बै सुबुं जानांगौ जाय बिथांजोखौ मिनिहोयो आरो बयनिखुडो गोनांथार बाथाया बेनोदि बियो आबुडे नंगुबै। फै जों मिथिनि फावखुंग्रिया उनाव मा बुंवावदों। फिल्म कम्पेनियनजों बावैसो जानाय मोनसे मोगा-मोगियाव, कृतिआ गावनि गावयारि जिउनि सोमोन्दै खुलायै बुंदों। जेब्ला



फावखुंग्रिखौ सोनाय जादोंदि बियो माबोरै मोनसे बेसेन खाथि आरो गावनि आदर्श लोगोरिआव गुनफोरनि गुबुन मोनसे गोलाव फारिलाइ लुबैयो। फिन्नायाव फावखुंग्रिया बुंदोंदि, आं मिथिया। आं सानो जों जोबोद नारसिनदोंमोन जेरै आं बेखौ लुबैयो, बेखौ लुबैयो, बेखौ लुबैयो। नोंथाड मा लुबैयो आरो नोंथानो मा नांगौ बेबो गुबुन-गुबुन जानो हागौ। आंनो थारैनो मोनसे गोरलै जिनिसनि गोनांथि जानो हागौ, जाय आबुडे आरो गावनि आदर्श लोगोरिआव गुनफोरनि गुबुन मोनसे गोलाव फारिलाइ लुबैयो। फिन्नायाव फावखुंग्रिया बुंदोंदि, आं मिथिया। आं सानो जों जोबोद नारसिनदोंमोन जेरै आं बेखौ लुबैयो, बेखौ लुबैयो, बेखौ लुबैयो। नोंथाड मा लुबैयो आरो नोंथानो मा नांगौ बेबो गुबुन-गुबुन जानो हागौ। आंनो

क'आ लन्दनआव जयै हलीबो फालिदोंमोन, जायनि गोबां सावगारिफोराबो ससियेल मिडियाआव गोसारदोंमोन। बै समनिफ्रायनो अनसायगिरिफोरा अनुमान खालामनो हमदोंदि, बिसोर सानैबो गावजों गाव डेटिं खालामगासिनो। बबेखानि कृति आरो कबीर रावबो बेफोर फोरमायथिफोरनि सायाव दासिमबो फिनजाथाय होआखै।

## श्रीकान्तआ 12 फेलनिफ्राय खम नडा, राजकुमार रावआ भिक्रान्त मैसीखौ गोहोम खोख्लैदों



राजकुमार रावनि सावथुनफोरा अन्सायगिरिफोरनि गेजेराव मोनसे गुबुन थाखोनि क्रेजखौ हमथाना लाखिदों। बिथांनि फावफोरा जेब्लाबो बक्सनि बाइजोआव थायो। गावनि गोखों फाव खालामनायनि थाखाय मुंदांखा राजकुमार रावआ श्रीकान्त सावथुनजों सिनेमा हलफोराव आगान होबाय। तुषार हीरानन्दानीजों बिथोन होजानाय श्रीकान्तआ अन्सायगिरिफोरनि गेजेराव गोबां सावरायजादों। सावथुनआ सासे हौवासानि सल', जायखौ नुनो मोना, नाथाय बिथांनि साहसआ ओरैबादि गोखोंदि बिथांनि जेनाफोराबो बिथांनि सिगाडव गंग्लायनाडे। सावथुनआ सावरायगिरिफोर आरो नायगिरिफोरनिफ्राय मोजां अन्सायनाय मोन्दों। बे समावनो सावथुननि जोबथा बुथुमनायखौ फोसावनाय

जादों। बडे मियां छोटै मियां आरो मैदानआ थानाय दानआव रिलिज जादोंमोन। नाथाय बे सावथुनफोरा बक्स अफिसआव जेबो जुनिया आरजिनो हायाखैमोन। एखे समावनो थानाय बोसोरनि अक्टबरआव फोसाव जानाय भिक्रान्त मैसीनि 12थि फेलनि क्रेजआ दासिमबो सुबुंफोरनि गेजेराव अरायथा दं। बेनि गेजेराव राजकुमार रावनि 10 मेआव फैन्याय श्रीकान्तआ खालि सुबुंफोरनि गोसोखौ जै खालामनायनि अनगायैबो मोनसे रेकडबो बानायदों।

राजकुमार रावनि श्रीकान्तआ 2.41 कौटिं रं बुथुमदों। सावथुन सावरायगिरि तरण आदर्शनि बादिब्ला, श्रीकान्तआ बे बोसोरनि हिन्दीनि गिबि सावथुन, जाय 2 कौटिनिफ्राय जागायजेन्दों। बडे मियां छोटै मियां आरो मैदाननिफ्राय गोबां अनजिमाफोर बेखेवजागासिनो दं, नाथाय बेफोर सावथुनफोरा मिजिंथिनाय बायदि जाफुंसार जानो हायाखैमोन। श्रीकान्तजों रुनुनायाव जुदि भिक्रान्त मैसीनि 12 फेलआ 1.1 कौटिनिफ्राय बेखेवदोंमोन। श्रीकान्तआ मुंदांखा दारिमिनगिरि श्रीकान्त बोलानि बायपिक, जाय उन्दै समनिफ्रायनो खाना जानानै दं। सावथुनआव बिथांनि गासै दावबायनायखौ बरनायनाय जादों। बिसोरो नुनो हाया, नाथाय गोसोनि गोखोंथिनि थाखाय बिसोरो गावसोरनि लामा बानायबाय थायो।



## सिंगापुरनि गाहाइ मन्थिआ भारतनि आइआइटि-आइआइएमखौ बाख्नायदों

सिंगापुर, 11 मे: सिंगापुरनि गाहाइ मन्थि ली सिन लुंआ 15 मेखालि गावनि बिबानखौ नागारगोन। बिथाडा गावनि बिबानखौ डिपुटि लरेन्स वंनो गथायनायनि सिंगां गाहाइ मन्थि महरै 20 बोसोर हाबा मावनायखौ लानानै मोनसे मोगा-मोगिआव गुवारै सावरायदों। गाहाइ मन्थि लीआ बुंदोंदि, सिंगापुरआ मुलुगनां थाखोआव बिहोमा एबा गुनफोरखौ संदानो। बेयाव भारतयारि गोनेखो फसंथानफोर आइआइटि आरो आइआइएमनि ग्रेजुएटफोरनि गिदिर अन्जिमा दड। भारतआव जौसिन फसंथान दड आरो बेयाव जायगा आवगिनाया मेसाचुसेटस इनस्टिटुट अफ टेक्नलजी, स्टेनफर्ड इडिनभारसिटि एबा हार्वर्ड इडिनभारसिटिआव हाबनो मोन्नायजों समान। बैयावनि इम्फयेसआ सिंगापुरआव एस'सिएसन बानायदों आरो सम-सम फोबोंबो खुडे। भारतनिफ्राय थानाय मावफारिया हान्जानि बाश्चा बुंनानै गाहाइ मन्थि लीआ बुंवावदोंदि, सिंगापुरनि



थागिबिफोरा बिसोरनि सायाव मोजां नोजोर होयो। मानोना बिसोरनि अन्जिमाया इसेल' नडा। अदेबानि बिसोरो गुन गोनां सुबुं आरो सिंगापुरनि थाखाय जोबोद बेसेन गोनां। जेव्ला जों गुननि दोहौखौ गोनां जायो अब्ला जों बिसोरखौ बरायनांगौ जायो। गाहाइ मन्थिआ आइआइटि-आइआइएमनि बारग' फरायसाफोरनि गुनखौ नोजोरव लाबोनानै सुबुं गोहोनि डिमान्डखौ सुफुंनो थाखाय सिंगापुरनि गेजेरजों गुबुन हादरनि रोंगथि गोनांफोरखौ जोबबनाय हाबाफारिखौ सोलिहोलांनयनि सायावबो गोनांथि होयो। सिंगापुरआ मुलुगनां थाखोआव

गुन एबा रोंगथिफोरखौ संदानो आरो चीन, भारत, बांलादेश, श्रीलंका आरो गुबुन खोला-सान्जा एसियाय हादर, जर'खायै न'सुंसे मालेशियाआ बेनि गाहाइ फुं'खा। गाहाइ मन्थिआ फोरमायदोंदि, गुबुन हादरनिफ्राय थानायफोरखौ सहर रइज्योनि गोबां हारियारि थानाय समाजआव थि रोखोमै बोनथुमनानै लाखिनांगोन। बिथाडा बुंवावदोंदि, समाजयारि खौसेथि हास्थानयय आरो गुबुन रइज्योयारिफोरखौ लाबोनायनि गेजेरव फारागथि गोनां जेंनाखौ सामलायनाया बयनिखुइबो गोबाबसिन आयदा, जायजों गावसोर मोगा-मोगि जानांदों।

## अक्षय तृतीयाआव सना बायनाया शुभ जायो

गोदान दिल्ली, 11 मे: अक्षय तृतीयाआव सना बायनायाव शुभ जायो। बेनि गेजेरजों आधिखालाव सानफ्रामबो सना बायनाया इन्भेस्टमेन खालामग्राफोरनि थाखाय शुभ महरै फोरमान जानो हागौ। मानोना अक्षय तृतीयायनि सानसे सिंगां जायफोरा सना बायदोंमोन बिसोर 10 ग्रामआव 1500 मुलाम्फा मोन्दों। थानाय शुक्रबारखारि अक्षय तृतीयाआव दिल्लीनि सराफा बाजारव 24 केरेट सनानि बेसेना 10 ग्रामआव 75,150 जादों। जाय थानाय शनिबारखालि 73,680 रंगेमोन। थानाय बोसोरनि अक्षय तृतीयाआव जायफोरा सना बायदोंमोन बिसोर 20 जौखोन्दोनि मुलाम्फाखौ मोनखांबाय। थानाय बोसोरनि 22 एप्रिलआव अक्षय तृतीयायनि शुभ समआ नांदोंमोन आरो बे



सानखालि दिल्लीनि सराफा बाजारव 24 केरेट सनानि बेसेना 10 ग्रामआव 62,000 रंगेमोन। आधिखालाव सनानि बेसेना बांगसिनो दड। मानोना आमेरिकानि रिजार्थ बैंकआ सुदनि हार खम खालामगोन, जायजों डलारआ लोरखं जागोन आरो सनाया बांसिनै गोसो बोनो हागोन। बेराफारसे सनाया गुबुन

हादतयारि मुद्रा भान्दरनि बाहागो जायो आरो मुलुगयारि राजखान्थियारि थासारिफोरजों थानाय माखासे बोसोरनिफ्रायनो कारेन्सियाव दावखोलाय-फावसायलाय जागसिनो दड। बेबायदियाव गावनि कारेन्सिनि बेसेनखौ रैखा खालामनो थाखाय गुबुन गुबुन हादतफोरनि सेन्ट्रल बैंकफोरा

सना बायगासिनो दड। एसबिआइनि रिपर्ट बायदिल्ला थानाय 2023 आव मुलुगनि गाहाइ हादतफोरनि सेन्ट्रल बैंकफोरा 1037 टन सना बायदों। वर्ल्ड गल्ड काउन्सिलनि बायदिल्ला बे बोसोरनि जानुवारी-मार्च दाननि गेजेरव मुलुगनि सेन्ट्रल बैंकफोरा 290 टन सना बायदों।

## भारतआव फैनाय चीननि गोदान थान्दैया भारतजों हाबा मावजो चीनआ थियारि होन्नानै फोरमायदों

गोदान दिल्ली, 11 मे: भारतआव चीननि गोदान थान्दै सु फेइहंआ दावबायफैदों। मख'जाथावदि, भारतआव चीननि थान्दैनि मासिया 18 दाननिफ्रायनो लांदाडै दंमोन, जाय 40 बोसोराव बयनिखुइबो वाउसिन लांदां जानानै थादों। चीननि थान्दैया बुंदोंदि, चीनआ दरनै हादतयारि जेंनाफोरखौ बुजिनो आरो सावरायनायनि गेजेरजों जर'खा आयदाफोरखौ गुवार नोजोरजों सुखानायनि रहा नागिरनो थाखाय भारतजों लोगोसे हाबा मावनो थाखाय थियारि। सान्जा लाहाखआव गोबाव समनिफ्रायनो सोलिबाय थानाय सान्थियारि जेंनाफोरनि गेजेरव बिथाडा बे बाश्चाखौ बुंदों। 60 बोसोरसिमनि गोदान थान्दै सुआ सुन भेइर्दनि जायगायाव बिबानखौ आजावदों। मानोना सुन बिथाडा भारतआव गावनि हाबाफारिखौ आबुडै मावफुनायनि उनाव 2022 नि अक्टबरआव गावनि हादतआव थांफिन्दोंमोन। गोदान थान्दैया



बुंदोंदि, बियो मोनसे मान गोनां मिशन आरो मख'जाथाव बिबान। दरनै हादतनि गेजेरव

बुजिलायनाय आरो लोगोनि सोमोन्दोखौ साबसिन खालामनाय, गुबुन गुबुन आयदाफोराव सोलाय-सोल' आरो हेफाजाव होनानै हाबाफारि मावनाय, दरनै हादतयारि सोमोन्दोखौ जौगाखां होनायनि थाखाय आबु बिबान लानानै मावफुंनो नाजागोन। मख'जाथावदि, आफगानिस्तान आरो रमानियाआवबो सु-फेइहंआ थान्दै बिबान सामलायखांबाय।

जुजिलायनाय आरो लोगोनि सोमोन्दोखौ साबसिन खालामनाय, गुबुन गुबुन आयदाफोराव सोलाय-सोल' आरो हेफाजाव होनानै हाबाफारि मावनाय, दरनै हादतयारि सोमोन्दोखौ जौगाखां होनायनि थाखाय आबु बिबान लानानै मावफुंनो नाजागोन। मख'जाथावदि, आफगानिस्तान आरो रमानियाआवबो सु-फेइहंआ थान्दै बिबान सामलायखांबाय।

## जम्मु-काश्मीरनि बिसायख'थियाव हेंथा होनो पाकिस्तानआ खैसार सादों:सुलुं

जम्मु, 11 मे: हादतआव बिसायख'थि खुनायनि दोहौआ गोखों आरो गाजा-गोमजायै जाबोनायखौ नुनानै पिअकेआव थानाय उतखारिफोरनि गाहाइया गिखांदों। पुन्चआव अख्रामा सांथि हान्जानि गारियाव उतखारि गाग्लोबनायनि उनाव काश्मीरआव जानो गोनां गिबि बिसायख'थिखौ नोजोर होना संगालि एजेन्सिफोरा एलार्ट फोसावदों। मख'जाथावदि, जम्मु-काश्मीरआव लक सभा बिसायख'थिया मोन्थाम खोलोबाव खुंजागोन। बेनिखायनो राजौरी, पुन्चजों लोगोसे खोला काश्मीरनि फिर पन्जालनि हाजोनिफ्राय लानानै कुपवारसिम रैखाथि हान्जा थिसन्थाइखौ बांसिन खालामना होनाय जादों। लक सभा बिसायख'थिनि ब्रैथि खोलोबनि बिसायख'थिनि गेजेरजों काश्मीरआव गिबिसिन भट सोनाय जागोन। काश्मीरआव गोजोनै बिसायख'थि खुनाया थानाय माखासे बोसोरनिफ्रायनो गिदिर सेलेन्स जाबोदों। अदेबानि बे खेबआव थासारिया सोलायबाय आरो सिगांनिफ्राय



साबसिन जाबाय। अब्लाबो काश्मीरआव थिसनजानाय रैखाथि हान्जाफोरा जायखिजाया रोखोमनि खैफोदजों मोगा-मोगि जानो थियारि खालामदों। बावैसो सिगाडाव जम्मु-काश्मीरनि पुन्च जिल्लायाव भारतयारि अख्रामा सांथिनि

गारियाव उतखारि गाग्लोबनाय जाथायनिफ्राय जम्मु-काश्मीरआव सेलेन्सआ 2 गुण बांबोदों। सुलुंनि बायदिल्ला, हायेनआव उतखारि गाग्लोबनायनि आसाया बांसिन जानानै फेदों। उतखारिफोरनि खैसारखौ फेलें खालामनायनि

थाखाय संगालि एजेन्सिफोरा एलार्ट जानानै थानो आरो काश्मीर हायेनआव रैखाथि हान्जाफोरखौ जेब्लायबो संग्राडै थानो बोसोन होदों। रैखाथि एजेन्सिफोरनि सुलुड मिबथिहोनाय बायदिल्ला, काश्मीरआव लक सभा

## फिलिस्ताइननि आबु सोद्रोमा जानायाव इज्राइलनि थान्दैया इउएन चार्टरखौ बिसिदों

निउयर्क, 11 मे: इउएन महासभायाव फिलिस्ताइनखौ आबु सोद्रोमा खालामनायनि बिथांखिखौ पास खालामनायनि सिगां इज्राइलनि थान्दै गिलाड एडनआ रणा जौनाय दिन्थिनानै इउएन चार्टरखौ नेवसिगारो। शुक्रबारखालि इउएन महासभाया रैखाथि परिसदनिफ्राय इउएननिफ्राय मोन्थाइ मोन्तो हानाय फिलिस्ताइनखौ आबु सोद्रोमा खालामनायनि बिथांखियाव भट होनाय हाबाफारिया जानानै थाडो। बेयाव भारतजों लोगोसे दर 143 सोद्रोमा हादतफोरा भट होनानै बिथांखिखौ पास खालामो। फारसेथिं दर 25 सोद्रोमा हादतफोरा बेयाव बाहागो लायाखैमोन आरो इउएसए, इज्राइलजों लोगोसे दर 9 हादतफोरा बेनि हेंथायै भट होयो। इज्राइलनि थान्दै एडनआ बे बिथांखिखौ इउएन चार्टरखौ आबुडै सिमफायनाय होना बुंदों आरो बियो थानाय दाननि रैखाथि परिसदआव आमेरिकान भट लाबोनायखौ बेनि उल्था खालामदों होनानै बुंदों। बिथाडा हामासखौ रायखांनानै दायबो जाबसिन्ना बुडोदि, बे



बिथांखिया इउएनखौ मर्डान नाजिफोरनि थाखाय बेखेवना होयो। इज्राइलनि थान्दैया गाजायाव हामासनि गाहाइ सिनावारनि गांसे सावगारिखौ दिन्थिनानै बुंवावोदि, सिएनएननि रिपर्ट बायदिल्ला, इउएनि गेजेरजों लाबोनाय

नायबिजिरनांगौनि थाखाय खवलायो आरो बे आयदायाव फिन सावरायफिन्नोबो खवलायो। सिएनएननि रिपर्ट बायदिल्ला इज्राइलनि गुबुन हादतयारि मन्थि कातसआबो बिथांखि पास जानायखौ सोंखारियो आरो बेखो गनायजाथावै थांखि होन्नानै बुडे, जाय इउएननि सिं सिं थांखि लानायखौ सोराडाव लाबोयो आरो 7 अक्टबरखालि हामासनि हाबाफारिखौ होबथायो। बिथाडा बुंवावोदि, बेनि गेजेरव फिलिस्ताइननि थान्दै रियाड मनसुरआ बुंदोंदि, फिलिस्ताइननि बिबानगिरिया रैखाथि परिसदनिफ्राय आबु समिठिखौ गोबोंजों बरायदों।

## सार्कनि गाहाइ नेहाथारिया भारत दावबायफैदों

गोदान दिल्ली, 11 मे: खोला एसिया ओन्सोलारि हेफाजाबगिरि फसंथान (सार्क) नि गाहाइ नेहाथारि गुलाम सरवरआ 11 मेयाव भारत दावबायफैयो। थानाय 2016 निफ्राय गोगलैसोना थानाय बे फसंथाननि गाहाइ नेहाथारिया भारतआव दावबायफै नाय खौरंजों बेखौ लानानै गोदानै सावरायनाया जागायदों। सरवरआ बे दावबायनाय समाव गुबुन हादतयारि बिफाननि नेहाथारि भिनय क्वात्रा, गुबुन हादतयारि रइज्यो मन्थि ड आरआर सिंह आरो गुबुन हादतयारि बिफाननि नेहाथारि (आगुनि) जयद्विप मजुमदारजों आलादा आलादायै लोगो हमगोन। बेनि अनगायै बियो सार्कनि इयुनि सायावबो बिबुंथि होगोन। थानाय बोसोरावनो बांलादेशनि राजखाथिगिरि सरवरखौ सार्कनि थिसन्दोंमोन आरो बियो बिन बे मासियाव थानानै गिबि भारत



दावबायनाय। सार्कनि जोबथा शिकर सम्मेलनआ थानाय 2015 आव नेपालआव जादोंमोन आरो बेयाव गनायथि जादोंमोनदि, 2016 आव बेनि जानो गोनां जथुमाया पाकिस्तानआव जागोन। नाथाय 2016 नि जागायनाय दानफोराव पाकिस्ताननि फिनाय उतखारिफोरा भारतआव माखासं खेब गाग्लोबनायफोरनि उनाव भारत सरकार सार्क जथुमाखौ लानानै गिदिर थांखि

लादोंमोन। सार्क फसंथाननि नैथि गुबुन गासै सोद्रोमाफोराबो भारतखौ मदत खालामदोंमोन आरो सार्क जथुमाखौ दोन्थ'नादोंमोन। बेनि उननिफ्रायनो बे फसंथानआ गोगलैसोनायै दड। बेनि जायगायाव भारतआ भुटन, बांलादेश, म्यानमार, यइलेन्ड आरो शी ल क ि नि फसंथान(बिम्स्टेक)फेरखौ गोनांथि होगासिनो दड। आधिखालाव बिम्स्टेकनि जौगाखानायाबो जेबो जर'खानड।

## फिलिस्ताइनखौ इउएननि सोद्रोमा खालामनायाव भारतजों लोगोसे दर 143 हादरफोरा भट होदों

गोदान दिल्ली, 11 मे: इउएन जेनेरेल एसेमब्लिआव शुक्रबारखालि भारतआ फिलिस्ताइनखौ मुलुगनां आफाद एबा इउनाइटेड नेसन्सनि आबु सोद्रोमा खालामनाय बिथांखिआव मदद होदों। आरब हादरफोरनि हान्जाया दिन्थिनाय बिथांखिआव बुंनय जादोंदि, फिलिस्ताइनआ इउएननि आबु सोद्रोमा जानायनि गुन दड; बेनिखायनो बेखौ सोद्रोमा खालामनायनि थाखाय जेनेरेल एसेमब्लिआ फिन खेबसेबाव रोखा खालामो। बेयाव पास खालामनाय बिथांखिआव रैखाथि परिषदआ जोबथा थांखि लागोन। रैखाथि परिषदआ आगुआव फिलिस्ताइनखौ इउएननि सोद्रोमा खालामनायनि बिथांखिखौ गनायाखैमोन। फिलिस्ताइननि हादरगिरि महमुद आब्बासआ बिथांखि पास जानायाव गोजोन्नाय फोरमायनानै रैखाथि परिषदनिसिम




फिलिस्ताइनखौ इउएननि सोद्रोमा खालामनो खवलायदों। दर 193 सोद्रोमा हादरफोर गोनां इउएन जेनेरेल एसेमब्लिनि गासै 143 सोद्रोमाफोरा बिथांखिनि हेफाजावआव भट होदों आरो सा 9 सोद्रोमाफोरा बेरेखायै भट होदों। बेराफासं सा 25 सोद्रोमाफोरा बेयाव बाहागो लायाखै। गोबां भटजों बिथांखिया पास जानायाव नब्लाडव आखाइ खबनायजों रिखांदों। भारतआनो मुलुगनि गिबिसिन हादर, जाय आरब हादरफोरनि उफ्रायै फिलिस्ताइन उदां आफादखौ गनायथि होदोंमोन। बे आफादआ 1974 माइथायसिम फिलिस्ताइनीफोरनि मावख'यारि थान्दै आफादमोन। भारतआ 1988 आव फिलिस्ताइनखौ हादर महरै गनायथि होदोंमोन आरो 1996 आव गोदान दिल्लीआव फिलिस्ताइननि थान्दै मावख' बेखेवदोंमोन।



## निरज चप्राआ दहा डाइमन्ड लीगआव सिलभार मेडेलजों गोजोननांवाय

दहा, 11 मे: थांनाय माखासे सानफोर सिगानिफ्राय सोलिबाय थांनाय दहा डाइमन्ड लीगआव भारतनि गोखों जेभलिन खुबैग्रा निरज चप्राआ सिलभार मेडेल देरहानो हाबाय। बे लीगआव निरज चप्राआ सेम्पियन जानायनि थांखिखों मोनफुनो हायाखिसै। बिथाडा मोन 6 राउन्डनि उनाव 88.36 मिटरसिमल' खुबैनो हादों आरो बेनो बिथानि जोबथा नाजानायनि फिथाइमोन। बेराफासैं चेक रिपब्लिकनि जेकब वाडलेसआ 88.38 मिटर जान्थाय खुबैनो हानाने गिबि नम्बरआव थानो हादों। मख'नाय जायोदि, दहा डाइमन्ड लीगआ काठारनि स्पर्टस क्लबाव खुंजादों। निरजआ गावनि बे सिजननि गेलेनायखों दहानिफ्रायनो जागायदोंमोन। बिथाडा थांनाय सिजनआव दहायाव सना मेडेल देरहानो हादोंमोन। भारतनि गुबुन सासे जेभलिन खुबैग्रा किशर जेनाआ मोन 10 एथलेटिक्सआव 9 थि सारिआव थानो हादों। बिथाडा बे



खेबआवबो गावनि थामथि नाजानायाव 76.31 जान्थाय खुबैनो हादों। दहा डाइमन्ड लीगआव निरज चप्रानि जोबथा बादायलायनायाव गिबि खुबैनाया पाअल जादोंमोन। बिथाडा नैथि नाजानायाव 84.93 मिटर, थामथि नाजानायाव 86.24, ब्रैथि नाजानायाव 86.18, बाथि नाजानायाव 82.28 आरो जोबथा नाजानाय एबा खुबैनायाव 88.36 मिटर जान्थाय खुबैनो हादों। बेराफासैं सना मेडेल देरहानो हानाय चेक

रिपब्लिकनि जेकब वाडलेसनि बाथि आरो ड'थि खुबैनाया गोरोन्थि जादों। बिथानि गिबि खुबैनायाव 85.87 मिटर, नैथि खुबैनायाव 86.93, थामथि खुबैनायाव 88.38 आरो ब्रैथि खुबैनायाव 84.04 मिटर जान्थाय खुबैनो हादों। बिथाडा थामथि खुबैनायाव 88.38 मिटर जान्थाय खुबैनो हानायजोंनो बे बादायलायनायाव निरज चप्राखों गाहायाव दोनानै सनानि मेडेलखों आवगिनो हादों। बे बादायलायनायाव

जेकब वाडलेस आरो निरज चप्रानि गाहायाव ग्रेनेडानि पिटरस एन्डरसनआ थामथि सारि, फिनलेन्डनि हेलेन्डार अलिभारआ ब्रैथि सारिआव मल्डभानि जेभलिन खुबैग्रा मारदेयर एन्ड्र्यानआ बाथि सारिआव थानो हादों। मख'बावनाय जायोदि, निरज चप्राआ 2023 सिजनआव गावनि गेलेनायखों दहायावनो जागायदोंमोन। थांनाय बोसोरनि बे इन्डोआवनो निरज चप्राआ 88.67 मिटर जान्थाय खुबैनाय सना मेडेल देरहानो हादोंमोन आरो जेकब वाडलेसआ नैथि सारिआव थानो हादोंमोन। नाथाय बे सिजनआव जेकब वाडलेसआ सना मेडेलखों आवगिनानै निरज चप्राखों नैथि सारिआव दोन्दों।

## निशा दहियानो पेरिस अलिम्पिकसिम थानो गनायथि, भारतनि बाथि आइजो खमलायगिरि जागोन

गोदान दिल्ली, 11 मे: भारतनि आइजो खमलायगिरि निशा दहियाआ शुक्रबारखालि पेरिस अलिम्पिकनि थाखाय क्वालिफाइ जानो हाबाय। निशाआ पेरिस अलिम्पिकआव क्वालिफाइ जानो हानाय भारतनि बाथि आइजो खमलायगिरि। मुलुगनां अलिम्पिक क्वालिफायरआव 68 कि:ग्रा: लिथथयनि बादायलायनायाव निशाआ देरहानानै पेरिस अलिम्पिकनि थाखाय जायगा आवगिनो हादों। अलिम्पिक क्वालिफायरआव 68 कि:ग्रा: के टेगरेनि सेमिफाइनल बादायलायनायाव निशाआ रमानियानि एलेक्सान्द्रा अनधेलखों फेजेन्दों। बेनो गिबि खेब जागोनदि, मोनफ्रोम 4 बोसोरनि गेजेराव खुंजाग्रा मुलुगनि देरसिन गेलेमु टुनांमिन्ट



अलिम्पिकआव भारतनि बाथि आइजो खमलायगिरिफोरा बाहागो लागोन। सेमिफाइनलनि सिगां निशाआ बेलारुसनि लाइमोन खमलायगिरि आलिन सावसुकखों 3-0 जों फेजेन्नानै क्वाटार फाइनालाव जायगा आवगिनो हादोंमोन। बेनि उनाव चेक रिपब्लिकनि सासे राफोद आइजो खमलायगिरि इररपिय

सेम्पियनसिपआव माखासे मेडेल देरहानो हाखानाय एडेला हानजलिक बाखों 7-4 जों फेजेन्नानै सेमिफाइनलाव सौहैदोंमोन। मुलुगनां आन्डर-23 सेम्पियनसिपआव ब्रन्जनि मेडेल देरहानो हानाय आरो एसियान सेम्पियनसिपआव सिलभार मेडेल देरहानो हानाय निशाआ 58 रेंकिनि खमलायगिरिनि हेंथाये गिबि

पेरियडआव 8-0 पइन्टजों गेदेर देरहानो हायो। बेराफासैं हादरनि गुबुन सासेबाव आइजो खमलायगिरि मानसीआ 52 कि:ग्रा: केटेगरेनि प्री-क्वाटार फाइनालाव बेलारुसनि गोखों खमलायगिरि बेरनिका इभानभाजों जेन्नानै पेरिस अलिम्पिकआव बाहागो लानायनि सिमांखों खोमानाडो। मख'जाथावदि, भारतनि साब्रै आइजो खमलायगिरिफोरा गिबि खेब अलिम्पिकखों जायगा आवगिनो हादों। पेरिस अलिम्पिकनि थाखाय जायगा आवगिनो हानाय साबाभारतनि आइजो खमलायगिरिफोरेनि गेजेराव दड फारियै-पंगाल (53 कि:ग्रा:), भिनेश फगत (50 कि:ग्रा:), अन्सु मालिक (57 कि:ग्रा:), ऋतिका हुड्डा (76 कि:ग्रा:) आरो निशा दहिया(68 कि:ग्रा:)।

## भारतनि जेनएआइ प्लेटफर्म हनुमानखौ गासै मोन 98 रावफोराव मोन्जो हागोन



बेंगलुरु, 11 मे: भारत हादतयावनो दिहुन्नाय गोबां राव थांनाय जेनएआइ प्लेटफर्म हनुमानखौ मोन 12 भारतआरि रावफोरजों लोगोसे मुलुगनि मोन 98 रावफोराव मोन्जो हागोन। बेखों शुक्रबारखालि लन्च खालामो। बे मोन 12 भारतआरि रावफोरनि गेजेराव हिन्दी, मराठी, गुजराती, सोनाब बंग, कन्नड, उरिया, पान्जाबी, असमिया, तामिल, तेलुगु, मलयालम आरो सिन्धीआ दंफायो। बेजों लोगोसे हनुमानखौ इराजी, स्पेनिश,

इटालि, जार्मान, जापानी, करियाजों लोगोसे मुलुग नाडैनि मोन 80 गुबुन रावफोराव मोन्जो हागोन। बे एआइ एबा आर्टिफिशियल टुलखौ आबुधाबिनि कम्पानि 3 एआइ हल्डिजों लोगोसे शेयाराव जेनेरेटिभ एआइ बिजनेस एसएमएल इन्डियाआ दिहुन्दों। भारतयाव वेब आरो मबाइल एपनि गेजेरजों बेखों बाहायनो हागोन। एन्ड्रइड बाहायग्राफोर बे एपखौ प्ले स्टर्जों डाउनलड खालामनो हागोन। आइएएस एपखौ स्ट्राव डाउनलडनि

थाखाय थाबेनो मोन्जो हागोन। बे समाव हनुमानखौ फ्रियाव बाहायनो मोन्जो हागौ। बे बोसोरनि जोबजासिमाव बिनि प्रिमियम साब्सक्रिप्शन प्लानखौ लन्च खालामनाय जागोन। एसएमएल इन्डियानि लेडाइ-गायसनगिरि आरो सिइअ बिष्णु वर्धनआ हनुमानखौ भारतआव एआइ इनभेशनि गोदान जुगनि नेसोंन होन्ना बुंदों। बिथाडा बुंभावदोंदि, जोंनि थांखिआ 1 बोसोरनि गेजेरावनो 20 कौटि इउजारफोरनो बेनि मुलाम्फाखौ सौहैहोनाय। मख'नो गोनांदि, 80 जौखोन्दो भारतआरिफोरा इराजी बुजिया। बेनिखायनो हनुमानखौ भारतआरि रावफोरावबो बाहायनो हागोन। बेखों गासै भारतआरिफोरनि थाखाय दिहुन्नाय जादों। बेजों हादतनि जौगाखांनायाव बिहोमा होनो हागोन।

गोदान दिल्ली, 11 मे: दासान्दि खुंजागासिनो थांनाय इन्डियान प्रिमियर लीग-2024 सिजननि 59 थि मेचखों मैया हरआव गुजराट टाइटन्स आरो चेन्नाइ सुपर किंस हान्जानि गेजेराव गोब्राब बादायलायदों। बे बादायलायनायाव गुजराट टाइटन्सआ चेन्नाइ सुपर किंसखों 35 रननि फायगथिजों फेजेन्नानै बे सिजननि आइपिएलआव प्लेअफसिम सौहैनायनि मिजिंखों लाखिनो हादों। मैया गेलेनाय मेचखों देरहानानै गुजराट टाइटन्सआ दासिम 10 पइन्ट मोनानै पइन्ट टेबलनि 8 थि सारिआव दड। बेराफासैं चेन्नाइ सुपर किंसआ 12 पइन्टजों पइन्ट टेबलनि ब्रैथि सारिआव दड। मख'नाय जायोदि, थांनाय सानखालि नरेन्द्र मदि स्टेडियमआव गेलेनाय मेचआव चेन्नाइआ टस देरहानानै गिबि फिलिडं खालामदोंमोन। सिगां बेटिं खालामनानै गुजराटआ 20 अभाहआव साथाम उइकेट खोमानानै गासै 231 रन खालामनो हायो। बेनि फिनायाव चेन्नाइ सुपर किंसनि हान्जाया 20 अभाहआव 8



उइकेट खोमानानै 196 रनल' खालामनो हायो। बे बादायलायनायाव शुभमन गीलआ प्लेयार अफ दि मेच

बिमुं मोनो हायो। बिथाडा बे बादायलायनायाव 55 बलआव 104 रन खालामनो हादोंमोन। मख'नाय जायोदि, गुजराट

टाइटन्सनिव केपेन शुभमन गीलआ आइपिएलनि जारिमिननि 100 थि सेन्सुरि खालामनो हादों। शुभमन

गीलनि उनाव साइ सुदर्शनआबो 103 रन खालामनानै केरियरनि गिबि सेन्सुरि खालामनो हादों। बिसेर सानै गेलेगिरिआ 210 रननि अपेनिं पार्टनारसिप खालामदों। बेराफासैं तुषार देसपाण्डेआ सानै उइकेट लादोंमोन। चेन्नाइ सुपर किंस हान्जानि थाखाय बे बादायलायनायावखौ देरिल मिसेलआ 63 रन, मइन आलीआ 56 रन, एमएस धनीआ 26 रन आरो सिभम दुबेआ 21 रन खालामनो हादोंमोन। बेराफासैं महित शर्माआ साथाम आरो रशिद खानआ सानै उइकेट लादों।

## जेम्स एन्डरसनआ क्रिकेट मुलुगनिफ्राय आजिरा लासिगोन

गोदान दिल्ली, 11 मे: इंलेन्डनि गोखें खुबैग्राया क्रिकेटनिफ्राय आजिरा लानो थिरांथा लादों। एन्डरसनआ मोनसे इनस्टाग्राम पस्टनि गेजेरजों बुंदोंदि बे गोलोम बोथोराव लर्ड्सआव गेलेनो गोनां गिबि टेस्टआ बिथानि केरियरनि जोबथा मेच जागोन। एन्डरसनआ गावनि गिबि टेस्ट मेचखों 2003 आव गेलेदोंमोन। बिथानि जिउ केरियरआ गासै 20 बोसोर जाबाय। वेस्टइन्डिजनि हानजाया बे बोसोराव इंलेन्ड दावबायगोन आरो मोनथाम टेस्टनि टेस्ट सिरिज गेलेगोन। बे सिरिजनि गिबि मेचखों लर्ड्सआव गेलेनाय जागोन, जाय एंडरसननि केरियरनि जोबथा मेच जागोन। एन्डरसनआ गावनि पस्टआव लिदरदों, 'आं बयखौबो



खोन्थानो लुबैदों दि बे गोलोम बोथोराव लर्ड्सनि फोथाराव गेलेनाय टेस्ट मेचआ आनि जोबथा टेस्ट। इंलेन्डनि खौरां बिलाइ द गार्जियननि रिपर्टनि बायदिब्ला, इंलेन्डनि टेस्ट टीमनि कच ब्रेंडन मैकुलमआ बावैसो एन्डरसनजों रायज्जलायदोंमोन आरो बुंदोंमोनदि बिथाडा एशेज सिरिज 2025 खों नायनानै एन्डरसनखौ

टीमाव नुवाखै। बेनि थाखाय, मैकुलमआ निउजिलेन्डनिफ्राय इंलेन्डआव फेदोंमोन आरो बिथाडा रोखायै एन्डरसनखौ बुंदोंमोनदि बिथाडा दा हान्जानि इयुनि बाहागो जानो नाड। एन्डरसनआ इंलेन्डनि बयनिखुइबो जाफुंसार बलार। बिथाडा इंलेन्डनि जानानै टेस्टआव बयनिखुइबो बांसिन विकेट लादोंमोन। बिथाडा

टेस्टआव बयनिखुइ बांसिन विकेट लानाय बलारफोरनि फारिलाइआव थामथि जायगायाव दं। बिथाडा गेजेर हायुंआरि क्रिकेटआव 700 विकेट लानो हानाय गिबिसिन गोखें बलार। दासिम बिथाडा इंलेन्डनि जानानै 187 टेस्ट मेच गेलेखांबाय आरो गावनि मुखव 700 विकेट लाखांबाय। '20 बोसोरनिफ्राय इंलेन्डनि जानानै गेलेनाया जोबोद मोजां जादों। आं बै गेलेमुखौ गेलेदोंमोन जायखौ आं उन्दै समनिफ्रायनो मोजां मोनो। आं इंलेन्डनि थाखाय फोथाराव थांनांनय मोन्दांथिखौ खोमानांगोन। नाथाय आं मिथिगौदि बेयो आजिरा लानो आरो गुबुनफोरनो मोनसे खालु होनायनि थि सम जाहाथे बिसेरो गावसोरनि सिमांखौबो आं बायदि थांना थानो हायो।

## उदालगुरियाव सन्दिद्या मिलन गरिस्टआ लांदां बिहु फालिदों

उदालगुरि, 11 मे: असमीयानि बिहुखौ आसाम सरकारआ मुलुगनि दरखंआव गायसन्नायाव जाफुंसारबाय। बिहुआ जोंनि बयनिबो आंगो। बेनिखायनो असमीयानि बिहुखौ गात्रि हारिमुनिफ्राय रैखा खालामनो नाजानांगोन। मैया उदालगुरिनि बिष्णु राभा कृ ष्टि संघनि लांगोनायाव सन्दिद्या मिलन गरिस्टनि बान्जायनायाव आरो राइजो-राजानि हेफाजाब खुंफुनाय 11 थि बोसोरारि रंजाथाव फोबों 2024 नि लांदां बिहुखौ बेखेवनानै अखिल भारतीय साहित्य परिसदनि आफादगिरि एबा आसाम साहित्य सभानि बारग' लोगो आफादगिरि मृनाली देबिआ बेबायदिनो फोरमायनायखों नुनो मोन्दों। सन्दिद्या मिलन बरिस्टनि 11 थि बोसोरारि फोबों फालिनायनि 2024 नि आफादगिरि एबा ओन्सोलनि




एमएलए गबिन्द चन्द्र बसुमतारिनि नुजाथिनायाव बेखेवगिरि मृनालीनि देबिआ फोरमायबावनाय बायदिब्ला, आधिखालाव जोंनि माखासे बिहु मोसागिरिफोरा सोंखारिजाथाव गान्नाय-जोमनाय गान्नाय बिहु मोसानाय दिन्थिफुनायखों नुनो मोन्दों। बे सोंखारि जाथाव गान्नाय-जोमनायनिफ्राय जानगाराव लाखिनो थाखायजों नेमखाथि

खानानै होनांगोन, नडाब्ला असमीयानि हारिमुआ गात्रि फासैं मोखां जालांगोन। बेनि थाखाय जों बयबो सांग्रंथि जानाया गोनां जानानै फेबाय। बेनि अनगायैबो बिथाडा महात्मा गान्धीआ आसामआव फेनानै सि दाग्र।फोरखौ नुनानै सोमोनांदोंमोन होनाय बाथ्राखौ लाखिनो थाखाय आजिफोरखौ सि दानायाव गोसो होनो आरो सि दानायनि नेमखाथिखौ

अरायबो फोथानानै लाखिनो थाखाय खालायायो। खुंफुं आफादनि लोगो आफादगिरि द्रुबज्यती शर्माआ दैदेन्नाय बे लांदां बिहु बादायलायनायाव बोसोनगिरि प्रमद बैश्य, गौतमज्यती तालुकदार, मावफुं आफादगिरि दालिम बायन, अखिल कलिताजों लोगोसे गोबां बिबानगिरिफोरारो बाहागो लानो हानायखौ नुनो मोनो।

## काइलियान एमबाप्येआ मावख'आरि महरै गोलोम बोथोराव पिएसजि नागारनायनि गावनि थिरांथाखौ रोखा खालामदों

गोदान दिल्ली, 11 मे: फ्रान्सनि स्टार फुटबलर काइलियान एमबाप्येआ सनिबाराव 2023-24 सिजननि जोबनायाव पेरिस सेन्ट-जर्मेन नागारनायनि थांखिखौ फोसावो। एमबाप्येखौ जोबथा खेबनि थाखाय फ्रन्च कापनि फाइनालाव स्टेड पियरे-माउरयआव अलिम्पिक लिय'निसनि हेंथायै पिएसजिनि जासैंआव नुनो मोनगोन। 25 बोसोर बैसोनि जोलुर गेलेगिरिखौ बे गोलोम बोथोराव स्पेनिश जाइन्ट रियेल मेडिडजों लोगो जानायनि इसार होनाय जादों। एमबाप्येआ थांनाय माखासे सिजननिफ्राय रियल मेडिडनि अगानजों सोमोन्दो दं आरो सिगांनिफ्रायनो लस ब्लैंक'सजों मोनसे गोलाव समनि रादाय लिखंबाय। एमबाप्येआ गावनि इनस्टाग्राम एकाउन्टआव पस्ट खालामनाय मोनसे



भिडिअआव बुंदोंदि, 'आं जेब्लाबो बुंदोंदि जेब्ला सम फेयो आं नोंथांजों रायज्जलायगोन आरो बेनिखायनो आं नोंथांमोनो फोसावो लुबैदों दि पेरिस सेन्ट-जर्मेनआव बेयो आनि जोबथा बोसोर। आं बारायनाय नड आरो

साहसआ माखासे सप्ताहफोरनि गेजेरावनो जोबगोन। आं रबिबाराव पार्क देस प्रिन्सआव आनि जोबथा मेचखौ गेलेगोन। बेयो गोबां आबेगफोर, गोबां बोसोरफोर जेराव आंहा बयनिखुइबो देरिसिन फ्रन्स क्लबाबनि सोद्रीमा जानो खालु आरो गिदिर समान दंमोन, बुहुमनि बयनिखुइबो साबसिनफोरनि गेजेराव मोनसे, जाय आंखों बेवहाय सौफेनो गनायथि होदोंमोन, मोनसे क्लबाव आनि गिबि रॉमोन्दांथिखौ गोबां नारसिन्यायजों, जारिमिनाव माखासे साबसिन, माखासे बयनिखुइबो देरिसिन चेम्पियनफोरजों लोगोसे थानानै, गोबां सुबुंफोरखौ लोगो हमनो थाखाय, सासे सुबुं महरै जौगानायजों लोगोसे आं खालामनाय गासैबो गोग्गानाय आरो गोरोन्थिफोरजों थारैनो सासे गेलेगिरि महरै जौगानो हादों।